

REFERAT Kommunalbestyrelsi d. 30-04-2019

Mødedato Tirsdag d. 30. april 2019 kl. 19:30

Mødested Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	9
Kommunimut pilersaarummut tapiliussatut siunnersuut 1C37-1 Nunatta Eqqumiitsulianik Saqqumr	10
Aningaasaqarnermut Inuussutissarsiornermullu Ataatsimiititap angalanera pillugu nalunaarusiaq.....	14
Kommuneqarfik Sermersuumi pissutsinik eqqunngitsuusorisanik saqqummiussisarneq pillugu ilisir	17
Aalajangiiffigisassat.....	20
2020-mut missingersuusiornissamut maleruagassat.....	21
Kommunimut pilersaarummut tapiliussatut siunnersuut, 2B1-1 Industrivej, Nuuk, Nuussuaq.....	25
Suliassamut tunngavissaq.....	29
Kulturi pillugu politikki.....	32
Eqqumiitsulianik Saqqummesitsivik pillugu malittarisassat.....	35
Mitsimmavik, Nuummi inissialiorfissaq nutaaq.....	39
Pilersaarusionermut periusissiaq P18.....	45
Qamuteralaat pillugit ileqqoreqqusaaq.....	49
Tasiilami utoqqaat illuata inissatigut allineqarnissaa.....	53
Qinngutsinni inuusuttunut sunngiffimmi klubbeqalernissaq pillugu siunnersuut.....	57
Innarluutillip ukiui apeqqutaatinnagit innarluutilinnut ingerlatsivik ataatsimoortilernissaa siunertara	60
Aasaanerani qamutinik issiaarfissanik pilersitsinissaq pillugu aalajangiiffigisassatut siunnersuut.....	63
Ittoqqortoormiini katersortarfimmik nutaamik pilersitsinissaq pillugu aalajangiiffigisassatut siunnei	65
Siunnersuut, Kommunalbestyrelse Aalisarnermut, Piniarnermut Nunalerinermullu Naalakkersuisun	68
Taasariaqartut allat.....	71
Suliat matoqqasut.....	72
Lukket.....	73
Imaqarniliap akuerineqarnera.....	74

Punkt 0: Saqqaa

Ilaasortat

Asii Chemnitz Narup (IA)

Charlotte Pike (IA)

Charlotte Ludvigsen (IA)

Uju Petersen (IA)

Harald Bianco (IA)

Inge Olsvig-Brandt (IA)

Rasmine Geisler (IA)

Knud Mathiassen (IA)

Henrik Rachlev (IA)

Randi Vestergaard Evaldsen (D)

Justus Hansen (D)

Mala Høy Kúko (S)

Peter Davidsen (S)

Thiiooq Knudsen (S)

Ane Egede Mathæussen (S)

Jens Kristian Berthelsen (S)

Rolf Pike (S)

Laura Táunajik (S)

Michael Rosing (Sam)

Beslutning

Lone R. Pedersen (IA) Asii C. Narup (IA) ataatsimiinnermi sinniisuuffigaa.

Borgmesterip peqannginnerani borgmesterip tullersortaata siulliup Randi Vestergaard Evaldsenip (D) ataatsimiinneq aquppaa.

Punkt 1: Oqaluuserisassat akuerineqarneri

Beslutning

Oqaluuserisassat akuerineqarput.

Punkt 2: Nalunaarutit

2a. Siulittaasumit nalunaarutit

2b. Ataatsimiititanik ataavartunit nalunaarutit

Beslutning

2a.

1. Ullumi 2019-imi apriliip ulluisa 30-anni ataatsimiinnermi oqaluuserisassani, kommunalbestyrelsimut ilaasortat siunnersuutaat piffissami aalajangersimasumi misiliutitut allaffeqarfimmit oqaaseqaateqarfigisarlugit aallartinneqarpoq. Taamatut iliortoqarpoq ilaasortat siunnersuutaat pitsaaninngortikkusullugit aammalu aallaqqaataaniilli allaffeqarfiup nalilersuisimanera nalunaarumallugu, taamaalillutik siunnersuutit ilaat kommunalbestyrelse inaarutaasumik aalajangiitinnagu oqaaseqaammik tapersernejartalissapput. Massakut periusiartoq sivitsortoortitsisarpoq aamma politikerit ilaasa naatsorsuutigisarpaat kommunalbestyrelse tapersiisuteqarmat taava siunnersuutitik piviusunngortinneqarlutik aallartinneqassasut, piviusorli unaavoq, allaffeqarfiup siunnersuut piviusunngortinneqarsinnaanersoq nalilersortarpaat tamatumalu kingornatigut Kommunalbestyrelsimut akuersissutigisassanngorlugi imaluunniit itigartitsissutigisassanngorlugi ingerlateqqinneqartarpoq. Siunnersuutilli amerlasuut aningaasartuuteqarfiungaatsiartarput, siunnersuutinullu aningaasanik immikkoortitsisoqarsimanngikkaangat tamanna imaappoq, siunnersuut allaffeqarfimmit piviusunngortinneqarsinnaanngitsoq. Kommunalbestyrelsip ataatsimiinneri arlalialunnguit qaangiuppata misiliineq naliliiffigineqassaaq.
2. 2019-imi juunip ulluisa aappaanniit tallimaannut Tromsø Kommune Nuummut tikeraassaaq. Ulluni taakkunani pilersaarutit kingusinnerusukkut nassiunneqassapput.
3. Ulloq 8. marsi 2019 Qinersinermi Siulersuisut folketingimut qinersinissaq pillugu ataatsimiipput. Taaguinermik siulersuisut aamma allaffeqarfiup aalajangiinissaanut pinsinnaatitsissutip akuersissutigineqarnissaat oqaluuserisassaniipput.
4. Ulloq 19. marsi NAKUUSA-mi siunnersuisarfiup, Meeqqat Siunnersoqatigiiffiata, isumaqatigiissut Naalakkersuisunut, Borgmesterinut kiisalu Inatsisartunut tunniuppaa. Aaqqissuussineq Kommunalbestyrelsip Ataatsimiitarfiani ingerlanneqarpoq. Isumaqatigiissut NAKUUSA-p Ilulissani 2019-imi januaarip qaammataani meeqqat ataatsimeersuartinneqarnerat tunngavigalugu suliarineqarpoq. Meeqqat ataatsimeersuartinneqarnerat Naalagaaffiit Peqatigiit Nunarsuarmut anguniagaa 3 tunngavigalugu ingerlanneqarpoq: 'Peqqinneq Inuulluarnertu'. Meeqqat 35-t, 13-iniillu 18-inut ukiullit, oqallipput apeqqullu pilersillugu: Inuuneq peqqissoq pitsaasorlu sunaava? Isumaqatigiissut erseqqissunik sisamanik, qanoq politikerit Kalaallit Nunanni meeqqanut inuusuttunullu peqqinnerulernissamik inuulluarnermillu pitsanngorsaannissaannik, innersuussuteqarnermik kinguneqarpoq.
5. Ulloq 19. marsi borgmesterit ataatsimeeqatigiipput. Ataatsimiinnermi attaveqatigiinneq pillugu isumasioqatigiinneq aamma sullissinissamik isumaqatigiissutit oqaluuserisassaniipput. Tulliani ataatsimeeqatigiinneq Politikikkut Ataqqatigiissarisartoqatigiit ataatsimiinnerannut atatillugu maajip qaammataani pissaq.
6. Ulloq 25. marsi Kulturitta siammarsarneqarnissaa pillugu Siunnersuisartoqatigiit ataatsimiipput, tassani Aningaasaateqarfik Sermimut qinnuteqartut 32-t suliarineqarput. Qinnuteqartunut 10-nut 1.143.800 koruunit agguanneqarput.
7. Ulloq 26. marsi borgmesterip qaammatit pingasukkaarlugit nunaqarfinni aqutsisunik ataatsimeeqateqartarnini oqarasuaatikkut ingerlappaa.
8. Ulloq 29. marsi borgmesteri Sermersooq Business Council-ip ileqqusumik ataatsimeersuarnerani peqataavoq.
9. Ulloq 30. marsi 2019 borgmesteri NGO-nik isumasioqatigiissitsivoq Kommuneqarfik Sermersuumi meeqqat inuusutullu qiteritillugit. Isumasioqatigiissitsinerup NGO-t suliniutaasa paasineqarnissaat kiisalu sutigut tamatigut NGO-t aamma kommunip akornanni oqaloqatigiitfissamik pilersitsinissaq siuneratarivaa. Kiisalu borgmesterimut kissaatigineqarpoq NGO-t siunissami kommunimit suleqatigineqarsinnaaneranunut isumassarsinissaq. Meeqqanut Ilaqutariinnullu Ataatsimiititami siulittaasoq, Meeqqanut Atuarfeqarnermullu Ataatsimiititami siulittaasup tullia kiisalu Suliffeqarnermut Isumaginninnermullu Ataatsimiititami siulittaasoq isumasioqatigiinnermi peqataapput. Taamatullu ingerlatsivinni allaffeqarfiit attuumassuteqartut sinniisuutitaqarlutik peqataapput.
10. Ulloq 3. aprili borgmesterip UNICEF-ip Kalaallit Nunaanni suliniutinut pisortartaava (programchef) ataatsimeeqatigivaa. UNICEF tassaavoq FN-ip Meeqqanut aningaasaateqarfia nunarsuarmilu meeqqat pinsinnaatitaaffii pillugit suliniaqatigiiffiit annersaat. UNICEF Danmark Kalaallit Nunaanni allaffittaqqammerpoq, ataatsimiinnermilu suliniutinut pisortap UNICEF-ip Kalaallit Nunaanni inissisimanera pillugu ilisimatitsissuteqarpoq.

11. Ulloq 4. aprili borgmesteri aamma Meeqqanut Atuarfeqarnermullu Ataatsimiitami siulittaasup tullia meeqqerivinni meeraatillit sinniisuinik aaqqissuussaalluartumik ataatsimeeqatiginnipput. Ataatsimiinneq Meeqqanut Atuarfeqarnermullu Ingerlatsivimmit Nuummi meeqqerivinniittuutillit sinniisuinik ulloq 23. januaari 2019-imi ataatsimeeqateqarsimanera tunngavigalugu pilersinneqarpoq .. Angajoqqaanit kissaatigineqarsimavoq politikerit ulluunerani paaqqinnittarfinni ajornartorsiutit pillugit ataatsimeeqatigineqassasut.
12. Ulloq 8. aprili borgmesteri Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisumit Ane Lone Bagger-imit aggersarneqarluni ataatsimeeqateqarpoq, perorsaasunik amigaateqarneq tassani qitiuvoq.
13. Ulloq 10. aprili Nuummi mittarfissaq pillugu Kalaallit Airports International A/S-ip aaqqissugaanik Katuami paasissutissiinermut atatillugu borgmesteri tikilluaqqusilluni oqalugiarpog .
14. Ulloq 11. aprili – 23.maaji borgmesteri sulinngiffeqarpoq. Piffissami tassani borgmesterip tullia siulleq Randi V Evaldsen borgmesterimut taartaavoq.
15. Ulloq 16. aprili borgmesterip tullia siulleq Randi V Evaldsen, ileqqoq malillugu, dronningi 79-inik ukioqalerluni inuussiornerata Nuutoqqami nalliussineqarnerani tikilluaqqusilluni oqalugiarpog.
16. Ulloq 16. aprili borgmesterip tullia siulleq Inussivimmi vollyball-ernerup ammaanersiorneqarnerani kiisalu Illorsuaq Nuummi Timersortarfimmi sulorarnermik Nunatsinni pissartanngorniunnermi oqaaseqarpoq.
17. Ulloq 18. aprili borgmesterip tullia siulleq NS-84-ip sisoraatinik pissartanngorniutsitsinerata ammaanersiorneqarnerani tikilluaqqusilluni oqaaseqarpoq.
18. Ulloq 23. aamma 24. aprili Pinerluuteqarsimasunik Isumaginnittoqarfiup Nuummi inissiisarfissami nutaami unnuinissaq pilersaarutigisimavaa, tassani Kommunalbestyrelsimi ilaasortanit aamma allaffeqarfimmit sinniisut peqataaffigisassaannik. Pinerluuteqarsimasunilli Isumaginnittoqarfiup aaqqissusaaq piffissami aalajangersimanngitsumi kinguartippaa.
19. Ulloq 25. aprili Iserit, Nuup Bussii kiisalu NCD ataatsimeersuarput. Kommunaldirektøri Lars Møller-Sørensen peqataavoq
20. Ulloq 26. aprili innuttaasunik misissuineq kingulliup inerneru Peqqissutsimut Naalakkersuisoqarfiup Katersortarfimmi saqqummiuppa. Borgmesterip tulliaata aappaa, Uju Petersen, Kommunalbestyrelse sinnerlugu peqataavoq.

2b

Uju Petersen (IA), MIA siulittaasoq:

Ataatsimiititaq Ittoqqortoormiitut angalareerpoq

Ingerlatsivimmi illup allannortiternera naammassineqarpoq, inimi allermi inimik oqaloqatiginnittarfilik.

Inuusuttut Ornittagaat pillugu quppersagaq nutaaq saqqummersinneqarpoq, aasallu ingerlanerani Ingerlatsivimmit naatsorsutigineqarpoq pitsaaliuinermit ikiorsiissuteqarnermullu tunngasut nassuiaataat nutarterlugit naammassineqarnissaat. Tamatuma kingornatigut aaqqeeqqinnissamut pilersaarutip nutarterneqarnera aallartinneqassaaq peqatigitillugulu meeqqanut ilaqutariinnullu nutaamik politikkilliortoqassaaq.

Meeqqat kannguttaatsuliorfigineqarsimasut pillugit ikiorsiissuteqartoqarluni aallartittoqarnissaa Ingerlatsiviup sulissutigivaa, tamanna aasami sulinngiffeqareernerup kingorna Isumaginninnermik Aqutsisoqarfik suleqatigalugu ingerlanneqassaaq

Charlotte Ludvigsen (IA), SIA siulittaasoq:

Suliffeqarfik

Inuiaqatigiinni aningaasaqarnikkut suliffeqarfimmi killiffik: Taasturpimi Grennesmindemi inuusuttut atugarissaarput sililu pimoorussillutik.

Aningaasaateqarfimmi suliaqarnermut tunngatillugu 24.04.2019-imi Kalaallit Nunaanni inuiaqatigiinni aningaasaqarnikkut suliffimmik pilersitsinissamut tunngatillugu Inuussutissarsiornermut, Nukissiuuteqarnermut Ilisimatusarnermullu Naalakkersuisoqarfimmit akuersissummik tigusaqarsimavugut.

Ileqqoreqqusassat allaqqaarnerinut tunngatillugu Kommuneqarfik Sermersuumi Pisortaqarfimmit suliffiup ”Suliffeqarfittut imminut ingerlatittut” pilersinneqarnera akuerineqarpoq. Ileqqoreqqusanut aamma siulersuisunut Advisory Boardimullu tunngatillugit suliffeqarfiup pilersinniarnernik suliaqarnerit nangipput, aqunneqarpullu ukunanit: ”Advokatkontoret, Foldschack, Forchhammer, Dahlager & Barfod”

Utoqqarnik suliaasaqarfik

Siulersuisut ineriartortinniarlugit pikkorissartitsineq: KS-imi utoqqarnik suliassa qarfimmi siulersuisut tamarmik Nanoq Akademiimik suleqateqarluni ukiut aappassaannik siulersuisut ineriartortinniarlugit pikkorissartitsinermik aallartipput. Ingerlassamut siunertaq tassaavoq utoqqarnik suliassa qarfimmi tamarmi siulersuisut akunniliuttartuunissamut piginnaanilernissaat, taakkumi siulersuineq, oqaloqateqartarneq, napparsimalluni suliartunnginneq, periusissianik pilersaarutinillu nutaanik tamanik atuutsitsilerneq aaqquissuussivimmi tamarmiusumi isumaginissaat qularnaartussaavaat.

Plejehjemmip Ippiarsuup nalliuttorsiornera: Ulloq 29.4.19 najugaqartunut, atuisartunut, sulisunut innuttaasunullu ukiunik 20-nngortorsioqarpoq – illu ammatillugu tamulugassa qarfunilu kaagunik kaffimik illuligassa qarpoq, kiisalu Pele Møller Band nipilersorlutik tusarnaartitsipput.

Pisortatut suliassa qarfik

Pisortanit ikiorsiissutinik iluarsaaqqinneq: Ulluni 25. aamma 26. apriliimi suliniut ”annertunerusumik imminik pilersugarineq” pillugu Naalackersuisut workshoppeqartitsipput. Taanna suliffe qarneq annertusarniarlugu isumaginninnermi, suliffe qarfimmi, ilinniartitaanermi akileraartarnermilu suliassa qarfinni iluarsiissutaasinnaasunut tunngasuvoq. Inatsisiliornermik piareersaatitut suliqaarnermi tassani kommunit siusissukkut ilanngunneqarput, ingerlassallu nanginnerani ilanngunneqartuassapput.

Angerlarsimaffeqannginnermut akerliussutsimik takutitsineq: Ulloq 25. apriliimi angerlarsimaffeqannginneq pillugu akerliussutsimik takutitsisoqarpoq. Suliffe qarnermut Isumaginninnermullu Ingerlatsivimmi ataatsimiititaliap tulliani ataatsimiinnerani angerlarsimaffeqannginnermut periusissiassamut allaqqaagaq naalackersuinikkut oqaluuserineqassaaq.

Henrik Rachlev (IA), MAA siulittaasoq:

Atuarfe qarfinni ”Kivitsisa”-mik ingerlatsineq tunngavigalugu Atuarfik Hans Lyngemik I-pad nik maanna tunniussuineq ingerlavoq.

Ilinniartitsisut pikkorissarneqarput I-Pad projektimi ataqtigiissarisunik kiisalu ilinniartitsisut ataasiakkaat aamma malinnaaffigineqarlutik.

USK-mi uani sapaatip akunnerani aatsaat angajullernut I-pad-tit agguanneqassapput angalasimanerat peqqutigalugu.

Teknikkikkut ilimagisatsinnik unammillernartoqarsimavoq, tamannali piareersimaffigingsigu annikitsumik aqqusaarparput.

Uani sapaatip akunnerani angajullerni naggataarutaasumik misilitsinerit aallartipput

Aningaasanik tapiissutinik Nordplus miit 9.klassini paarlaaqatigiinninneq ingerlanneqarpoq Nuummi kiisalu Estland miit. Qulequtaq kulturitsigut paarlaasseqatigiinneq aallaviuvoq, tassani nunagisami nerisassat pineqarlutik. Kiisalu ilinniartitsisut aamma nuanat akimorlugit suliniuteqarneq ataavartumik ingerlateqqissavaat.

Ittoqqortoormiiniit atuartut Islandimi siullermeersumik sulineri sungiusarneq ingerlappaat, tamannalu nalunaarutigissavarput iluatsilluarmat.

Meeqqanut paaqqinnittarfiit pikkorissarneqaaqqammerput misissuut meeqqat inerissimanerannut MIM qanoq atorneqarsinnaaneraniq ilitsersuunneqarlutik.

Justus Hansen (D), SAA siulittaasoq:

Kommunip suliffe qarfitut allaffissornermilu illuutaanik ataatsimut takussutissaliorneqarnerat naammassineqangajalerpoq. Kommunip illoqarfinni tamani illuutai imaluunniit attartugai tamarluinnaasa nalunaarsorneqarsimalerput, eqqarsaataavorlu tamanna ilaatigut PPV-nut tunngasunik pitsaanerusumik pilersaarusiorsinnaanngornissaq ilaatigullu illunik tamakkiinerusumik atorluualernissaq.

Tuujummi inissialiorterneq pilersaarutit naapertorlugit ingerlavoq. Blokkini pingasuusuni marluk tigu neqareerlutik iserterfigineqarnerat aallartippoq.

Kommune qarfik Sermersuup Nuuk City Development Nuummi blok 1-ip isaterneqarnissaanut qulakkiigassanik suliqaarinnissaanut suliakkerpaa.

Taamatullu NCD aamma Nuummi sumiiffinni assigiinngitsuni sanaartorfissagassanik arlalinnik aallartitsinissaanik kommunimit piuaaffigineqarpoq.

Kiisalu NCD kommunimit piuaaffigineqarpoq, paarnaarussivittaassap illuatungaani paassaasiviliussasoq.

Ukiup imaannaangitsup kingunerisaanik kommunimi sumi tamaani aqqusinermi itersanngorsimasut iluarsartuunneqarlutik aallartinneqarput.

Punkt 3: Ilisimatitsissutit

Punkt 03A: Kommunimut pilersaarummut tapiliussatut siunnersuut 1C37-1 Nunatta Eqqumiitsulianik Saqqummersitsivia

Beslutning

Ilisimatitsissut tusaatissatut tiguneqarpoq.

Bilag

1C37-1_Forslag_KAL.pdf

Kommunimut pilersaarummut tapiliussatut siunnersuut 1C37-1 Nunatta Eqqumiitsulianik Saqqummersitsivia

Inissisimaffik nutaaq

Ilisimatitsissutitut

J.nr.: 16.03.01.01-P16-18-18

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Kommunimut pilersaarummut tapiliussatut siunnersuut 1C37-1 naapertorlugu Nunatta Eqqumiitsulianik Saqqummersitsiviata sanaartorneqarnissaa piviusunngussaaq, taavalu immikkoortup ilaata 1C37-mut nutaamut nalinginnaasumik aalajangersakkat allaaserineqarput Kommunimut pilersaarummut tapiliussassaq naapertorlugu Nunatta Eqqumiitsulianik Saqqummersitsivia pingasunik quleriinngorlugu portunerpaamillu nunamiit 15 meterinik portussuseqassaaq. Tamatuma saniatigut kommunimut pilersaarummut tapiliussassaq naapertorlugu sanaartornermi sumiiffiup avatangiisai sukisaarsarfiusussallu pingaartinneqarput, matumani sissaq sinerlugu aqqusineeqqap immikkoortua 2 ilanngullugu.

Pilersaarutip inissisimavissaa arlaleriarlugu allanngortinneqarpoq, ingerlatsivimmili Nunatta Eqqumiitsulianik Saqqummersitsiviata siulersuisui suleqatigalugit isumaqatigiissutigineqarpoq, inissisimaffissatut maannakkut siunnersuutigineqartoq pilersaarummut tulluarluinnartuusoq.

Suliaq Sanarfinermut Avatangiisinullu Ataatsimiititap 25. marsip 2019-imi ataatsimiinnerani oqaluuserineqarpoq, ataatsimiititallu inassuteqaatit akuersissutigai suliarlu inaarutaasumik akuersissutigisassanngorlugu Aningaasaqarnermut Inuussutissarsionermullu Ataatsimiititamut kiisalu Kommunalbestyrelsimut ilisimatitsissutitut ingerlateqqillugu.

Suliaq Aningaasaqarnermut Inuussutissarsionermullu Ataatsimiititap 10. aprili 2019-imi ataatsimiinnerani oqaluuserineqarpoq, inassuteqaatigineqartut ataatsimiititamit akuersissutigineqarput Kommunalbestyrelsimullu suliaq ilisimatitsissutitut ingerlateqqinneqarluni.

Inassutigineqartoq

Aningaasaqarnermut Inuussutissarsionermullu Ataatsimiititap Kommunalbestyrelsimut inassuteqaatigaa:

- Ilisimatitsissut Kommunalborgstyrelsimut tusaatissatut tiguneqassasoq.

Suliassamik saqqummiussineq

Nunatta Eqqumiitsulianik Saqqummersitsivia titartaasartunik unammisitsisoqarnerata kingorna Nuummi sumiiffinni assigiinngitsuni inissisimanissaanik siunnersuuteqartoqartarpoq. Pilersaarutip ilusilersugaanera titartaasarfik BIG-imit suliaavoq, taanna Nuummi titartaasarfik TNT Nuuk peqatigalugu 2011-mi unammisoqarnerani ajugaavoq.

Siorarsiorfik pillugu pilersaarutip ingerlanerani siunnersuutigineqarpoq, Nunatta Eqqumiitsulianik Saqqummersitsivia Nuup arsaattarfissuata eqqaaniitineqassasoq. Nunatta Eqqumiitsulianik Saqqummersitsiviata siulersuisui oqaloqatigereerlugilli taakku inissamik nutaamik nassaarput.

Kommunimut pilersaarummut tapiliussatut siunnersuut una inissisimaffissatut siunniussa q taanna tunngavigalugu suliaavoq, tassa illoqarfiup ilaani Qaqortup Qernertunnguillu akornanni qaqqaqarfimmi.

Kommunimut pilersaarummut tapiliussatut siunnersuummi illuliortaatsip soqutiginarsagaasup immikkoortumi avatangiisit nunataatalu ilusaa kiisalu sukisaarsarfittut pilersaarutigineqartut pingaartinneqarput. Inissisimaffissaanut naleqqussarneqassaaq sumiiffiup qaqqaqarnera sukisaarsarfissaqqinneralu, immikkoortumi sissaq sinerlugu aqqusineeqqamut (Immikkoortup aappaa) Nuummi sukisaarsarfiit pingaarnertut periusissiorneqarnerinut atatillugu ilanngussisoqarnissaa pilersaarutaasoq ilanngullugit Kommunimut pilersaarummut tapiliussatut siunnersuummi ilanngullugu eqqumaffigineqassalluni, sissaq sinerlugu aqqusineerassap periusissiornera, taamaalillunilu sissaq sinerlugu aqqusineeqqap immikkoortumi aqqutissatut pilersinneqarnissaa.

Aaqqiissutissatut siunnersuut – suliatigut naliliineq

Ingerlatsiviup nalilerpaa, inissisimaffissaa pilersaarummut angisuumik illuliornissaaq eqqarsaatigalugu tulluurtuusoq aamma eqqaani sukisaarsarfissatut pilersaarutaasunut naapertuuttoq.

Aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq kommunip missingersuutaanik artukkiisimangilaq.

Inatsisitigut tunngavissaaq allakkallu tunngaviusumik uppernarsaatitallit

Pilersaarusionerq aamma nunaminertat atorneqartarnerat pillugit Inatsisartut inatsisaat nr. 17, 17. novembari 2010-meersoq

Ingerlariaqqinnissaaq

Kommunimut pilersaarummut tapiliussaaq inaarutaasumik akuersissutigineqannginnerani sapaatip akunnerini arfineq-pingasuni tamanut tusarniaassutigineqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfiup matuma siuliini taaneqartut innersuussutigai.

Innuttaasunik peqataatsineq/attaveqaaqatigiinneq

Siunnersuut piffissami 24.04. 2019 – 19.06. 2019 sapaati-akunneri arfineq-pingasuni tamanut tusarniaassutigineqassaaq, tamannalu Nuuk Ugeavis, kommunip tusarniaaviatigut kiisalu kommunip digitaalikkut saqqummiiviatigut pissaaq.

Ingerlatsivinniit allaniit oqaaseqaatigineqartut

Oqaaseqaateqartoqanngilaq.

Siusinnerusukkat aalajangerneq

Sanarfinermut Avatangiisinullu Ataatsimiititap 25. marsi 2019-imi aalajangernera:
Ataatsimiititap inassuteqaat akueraa.

Aningaasaqarnermut Inuusutissarsiornermullu Ataatsimiititap 10. aprili 2019-imi aalajangiussaa:

Ataatsimiititap inassuteqaat akuersissutigaa.

Ilanngussaq

1. Kommunitumut pilersaarummut tapiliussatut siunnersuut 1C37-1 Nunatta Eqqumiitsulianik Saqqummersitsivia

Punkt 03B: Aningaasaqarnermut Inuussutissarsiornermullu Ataatsimiititap angalanera pillugu nalunaarussiaq

Beslutning

Ilisimatitsissut tusaatissatut tiguneqarpoq.

Bilag

Bilag-rejserapport_27114_KAL.docx

Svalbard-Turisme-notat_-korrekturlÃst_26431_KAL.docx

Aningaasaqarnermut Inuussutissarsiornermullu Ataatsimiititap angalanera pillugu nalunaarussiaq

Svalbard 18. februaarimiit 22.februaarimut.

Ilisimatitsissutitut J.nr.: 01.02

Suliffeqarfimmi Kiffartuussineq – Kommunaldirektøri Lars Møller-Sørensen / LMS

Suliassamik eqikkaaneq

Ataatsimiititaq 2019-imi februaarip qaammataata qiteqqunnerani Svalbardimut Københavnimiinnermik naggasiinertalimmik angalavoq. Angalanermi siunertarineqartoq tassaavoq sammisat takornariaqarnermut, piujuartitsineq aallaavigalugu aningaasatigut atorluaaneq eqqagassanillu immikkoortiterineq eqqarsaatigalugit siamasissumik misilittagaqarfigilernissaannut tunngavissaqalernissaq, - tamarmillu ataatsimiititamut attuumassuteqarluartuupput. Angalaneq pillugu nalunaarussiaq angalanermut pisussanik kiisalu angalanerup nalaani ataasiakkaanut

Suliaq Aningaasaqarnermut Inuussutissarsiornermullu Ataatsimiititap 10. aprili 2019-imi ataatsimiinnerani oqaluuserineqarpoq, inassuteqaatigineqartut ataatsimiititamit akuersissutigineqarput Kommunalbestyrelsimullu suliaq ilisimatitsissutitut ingerlateqqinneqarluni.

Inassutigineqartoq

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Ilisimatitsissut Kommunalbestyrelsimut tusaatissatut tiguineqassasoq.

Suliassamik saqqummiussineq

Ataatsimiititaq 2019-imi februaarip qaammataata qiteqqunnerani Svalbardimut Københavnimiinnermik naggasiinertalimmik angalavoq. Angalanermi siunertarineqartoq tassaavoq sammisat takornariaqarnermut, piujuartitsineq aallaavigalugu aningaasatigut atorluaaneq eqqagassanillu immikkoortiterineq eqqarsaatigalugit siamasissumik misilittagaqarfigilernissaannut tunngavissaqalernissaq, - tamarmillu ataatsimiititamut attuumassuteqarluartuupput. Angalaneq pillugu nalunaarussiaq angalanermut pisussanik kiisalu angalanerup nalaani ataasiakkaanut pulaarnernik imaqarpoq naggataatigullu ataatsimiititamut arlalinnik innersuussuteqartoqarluni.

Aningaasaqarnermut Inuussutissarsiornermullu Ataatsimiititamit peqataapput Aasi Chemnitz Narup (siulittaasoq), Peter Davidsen (ilaasortaq), Charlotte Pike (ilaasortaq), Randi Vestergaard Evaldsen (ilaasortaq) aamma Henrik Rachlev (ilaasortaq).

Qinikkanut Allatseqarfimmit peqataapput Emil Skjervedal (Ineriartortitsinerimut Piujuartitsinerimullu Allatseqarfik) aamma Jeanett Anne Christoffersen (ataatsimiititami allatsi). Sanarfinermut Avatangiisinullu Ingerlatsivimmit peqatavoq Frank Rasmussen, Ingerlatsinerimut Avatangiisinullu pisortaq.

Tamatuma saniatigut attaveqaaqatigiinnermut pisortaq, Lars Damkjær peqataavoq, kiisalu oqalutsi Arnarak Bloch aamma takornarialerisunit assigiinngitsunit pingasut.

Pulaakkat tassaapput:

- Longyearbyenimi Lokalstyret v Arild Olesen
- Hurtigruten v Thomas Westergaard
- AECO v Frigg Jørgensen

- Greendog v Martin Hartmann Munck aamma Karina Bernlow
- UNIS v Harald Ellingsen aamma Mads Forchhammer
- Visit Svalbard v Per Gunnar Hettervik
- Reno-Vest affaldscentral
- Stena Recycling
- Professor Thomas Fruergaard Astrup, DTU
- Plastix v Peter Buhl.

Aaqqiissutissatut siunnersuut – suliatigut naliliineq
Soqanngilaq

Aningaasatigut sulisoqarnikkullu naliliinerit
Soqanngilaq.

Inatsisitigut tunngavissaq allakkallu tunngaviusumik uppernarsaatitalit
Ataatsimiititap suleriaasia.

Ingerlariaqqinnissaq

Aningaasaqarnermut Inuussutissarsiornermullu Ataatsimiititap tikeraarnerup nalaani paasisarilikkat ataatsimiititap suleriaqarnermi atussavai, matumani innersuussutit ataatsimiititap suleriaqqinnissamut atugassatut toqqagai ilanngullugit.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqarsimanngilaq.

Siusinnerusukkat aalajangerneq

Aningaasaqarnermut Inuussutissarsiornermullu Ataatsimiititap 10. aprili 2019-imi aalajangiussaa:
Ataatsimiititap inassuteqaat akuersissutigaa

Ilanngussat

1. Aningaasaqarnermut Inuussutissarsiornermullu Ataatsimiititap Svalbardimut 2019-imi paasisassarsiorluni angalanera pillugu nalunaarussiaq
2. Svalbard takornariaqarneq oqaaseqaat DK

Punkt 03C: Kommuneqarfik Sermersuumi pissutsinik eqqunngitsuusorisanik saqqummiussisarneq pillugu ilisimatitsissut

Beslutning

Ilisimatitsissut tusaatissatut tiguneqarpoq.

Bilag

Bilag-1_27088_KAL.docx

bilag 2 whistleblowerordning KS KAL.docx

Kommuneqarfik Sermersuumi pissutsinik eqqunngitsuusorisanik saqqummiussisarneq pillugu ilisimatitsissut

Ilisimatitsissut

J.nr.: 10.25.02-A26-1-19

Suliffeqarfimmut Kiffartuussivik – Kommunaldirektøri Lars Møller Sørensen / LMS

Suliassamik eqikkaaneq

Kommuneqarfik Sermersuumi pissutsinik eqqunngitsuusorisanik saqqummiussisarneq pillugu aaqqiissuteqartoqarpoq (Whistleblowerordning), tassani naleqartitat, tamakkiisumik ammasuunissaq piumasaaqatillu annertuut, Kommuneqarfik Sermersuup ilisarnaatigisai, tapersorsorneqarlutillu siuarsarneqassapput. Tamanna kommunalbestyrelsip siuliisa aalajangerpaat, maannalu atuutilersinneqarlunilu kommuninut sulisunut tamanut kiisalu kommunalbestyrelsimi ilaasortanut nalunaarutigineqassaaq. Aaqqissuussaq kommunimut taamaallaat atuuppoq.

Kommunimi sulisut kommunalbestyrelsimilu ilaasortat inatsimmik imaluunniit allanik malittarisassanik unioqqutitsinernik unioqqutitsisorisanilluunniit imaluunniit annertuumik kukkuluttornernik malittarisanillu malinninngitsunik toqqiissimasumik nalunaaruteqarsinnaanissaat aaqqissuussamit qulakkeerneqarpoq.

Kiisami pissutsinik eqqunngitsuusorisanik saqqummiussisarneq pillugu suliarinnittoqarpoq, taannalu ilisimatitsissutitut ilanngunneqarpoq.

Nalunaarutit tamarmik avataaneersumit misissuisartumit, kommunaldirektørimut Sulisoqarnermut Immikkoortortaqaqarfimmi aqutsisumit ikiorneqarluni, suliarineqarlutillu misissorneqartassapput. Nalunaarutit kommunaldirektørimut imaluunniit Sulisoqarnermut Immikkoortortaqaqarfimmi aqutsisumut tunngappata, pineqartut misissuineri peqataasassanngillat.

Suliaq pineqartoq suliarineqarpoq Aningaasaqarnermut inuussutissarsionermullu ataatsimiitsitaliap ataatsimiinneranni 10. april 2019-mi, ataatsimiitsitaliarlu ilisimatitsissut tusaassanngortippaa imak ersarissarlugu: *"saaffiginnissut attuumassuteqarpat kommunaldirektørimut ilanngunneqassaaq borgmesteri"*, suliarlu nassinneqarluni kommunalbestyrelsemut ilisimasitsissutissatut.

Inassuteqaatit

Aningaasaqarnermut Inuussutissarsionermullu Ataatsimiititap Kommunalborgbestyrelsimut inassuteqaatigaa:

- Ilisimatitsissut Kommunalborgbestyrelsimut tusaatissatut tiguneqassasoq.

Suliassamik saqqummiussineq

Aaqqiissuteqarnermut siunertaavoq unioqqutitsinernut allatullu annertuumik malittarisassanik malinninnginnernut tunngatillugu ammasuunissamut ersarissuunissamillu qulakkeerininnissaq, sulisut kommunalbestyrelsimilu ilaasortat paasissutissanik tunniussisut illersorneqarnissaat kiisalu paasissutissat tunniunneqartut pitsanngorsaanernik pitsaaliuinernullu atorneqarnissaannut qulakkeerininneq kiisalu kukkuluttornernik unioqqutitsinissamullu pinaveersaartitsinissamik qulakkeerininneq.

Aaqqiissut kommunimi oqaloqatigiittarnernut ammasuunernullu tunngatillugu tapertatut isigineqassaaq. Periarfissat nalinginnaasut ilagaat ilaatigut nammineq aqutsisorisamut, sulisut sinniisaannut imaluunniit sulisup nammineq kattuffimmut ilaasortaaffigisaanut saaffiginninnerit.

Pissutsinik eqqunngitsuusorisanik saqqummiussinissamut aaqqiissut periarfissaavoq sulisup aqquutit nalinginnaasut atornissaanut toqqiissimanngikkuni atorsinnaasaa imaluunniit aqutsisumut saaffiginnissimagaluarluni pissutit iliuuseqarfigineqanngippata sulisup atorsinnaasaa.

Aaqqiissummi nalunaarutininik nalunaarsuisarneq atortorissaarut GotEthics atorlugu pisassaaq – taassumalu sumulluunniit attuumassuteqanngitsup internetikkut atassusiisartup isumannaatsuunissaq kinaassutsimillu isertuussinissaq qulakkeertassavaa.

Aningaasaqarnermut Allatseqarfimmit oqaaseqaatit

Suliffeqarfimmut Kiffartuussivimmi Aningaasaqarnermut Allatseqarfik allanik oqaaseqaatissaqanngilaq.

Oqaaseqaatigineqartut allat

Oqaaseqaateqanngillat

Siusinnerusukkut aalajangerneq

Aningaasaqarnermut Inuussutissarsiornermullu Ataatsimiititap 10. aprili 2019-imi aalajangiussaa:
Ilisimasitsissut tusaasassanngortinneqarpoq imak erseqqarissarlugu:

”saaffiginnissut attuumassuteqarpat kommunaldirektørimut ilanngunneqassaaq borgmesteri”,

Ilanngussaq

1. Kommuneqarfik Sermersuumi pissutsinik eqqunngitsuusorisanik saqqummiussisarneq
2. Whistleblowerordning endelige version

Punkt 4: Aalajangiiffigisassat

Punkt 04A: 2020-mut missingersuusiornissamut maleruagassat

Beslutning

Inassutigineqartoq akuerineqarpoq.

Bilag

Budgetregulativ-2020-DK_27090_KAL.docx

2020-mut missingersuusiornissamut maleruagassat

Aalajangiiffigisassaq

J.nr.: 06.04.01

Suliffeqarfimmut Kiffartuussivik – Kommunaldirektøri Lars Møller Sørensen / LMS

Suliassamik eqikkaaneq

Kommunip Ingerlatsinermit Aningaasaqarnermullu Aqutsinermit Najoqqutassiaani imm. 11 naapertorlugu, Aningaasaqarnermit Inuussutissarsiornermullu Ataatsimiititaq missingersuusiornissamut maleruagassanik saqqummiussiffigineqassaaq, ukiumi tulliuuttumi missingersuutit suliarineranni aningaasaliissutigineqartussanik aalajangersaaffiusumik.

2020-mut missingersuutitut missingersuusiornissamut maleruagassat matumuuna Aningaasaqarnermit Inuussutissarsiornermullu Ataatsimiititamut akuerisassanngorlugit saqqummiunneqarput.

Suliaq Aningaasaqarnermit Inuussutissarsiornermullu Ataatsimiititaq 10. aprili 2019 ataatsimiinnerani eqqartorneqarpoq, inassuteqaatigineqartorlu akuersissutigineqarluni, ima allannguuteqarluni: "missingersuusiornermut isumaqatiginninniarnaq sioqqullugu pingaarnersiuilluni isumasioqatigiittoqassasoq" suliarlu Kommunalbestyrelsimut inaarutaasumik aalajangiiffigisassanngorlugu ingerlateqqinneqassasoq.

Inassuteqaatit

Aningaasaqarnermit Inuussutissarsiornermullu Ataatsimiititaq Kommunalbestyrelsimut inassuteqaatigaa:

- 2020-mut missingersuusiornissamut maleruagassat Kommunalbestyrelsimut inaarutaasumik akuersissutigineqassasut.

Suliassamik saqqummiussineq

Kommunip Ingerlatsinermit Aningaasaqarnermullu Aqutsinermit Najoqqutassiaani imm. 11 naapertorlugu, Aningaasaqarnermit Inuussutissarsiornermullu Ataatsimiititaq missingersuusiornissamut maleruagassanik saqqummiussiffigineqassaaq, ukiumi tulliuuttumi missingersuutit suliarineranni aningaasaliissutigineqartussanik aalajangersaaffiusumik.

Aningaasaqarnermit Ingerlatsivik 2020-mut missingersuusiornissamut najoqqutassamik siunnersuusiortoq, tassaniillutik 2020-mut missingersuusiornissamut atatillugu najoqqutassat piffissamillu pilersaarut, kiisalu kontunut pilersaarutaalersussaq naapertorlugu aningaasaliissutit qaffasissusissaannut malittarisassatut nutaatut siunnersuutit.

Missingersuusiornep ingerlanneqarnissaanut toqqammaviusunillu aalajangersaanermi missilluusiornepit qularnaatsuunissaat missingersuusiornissamilu piumasaqaatit uppenarsaatitassarluarnissaat pingaarnepaatinneqarpoq.

2020-mut missingersuusiornissamut tunngatillugu anguniakkat tamakku anguneqarnissaannut imaattunik naleqqussaasoqarnissaa siunnersuutigineqarpoq:

- Aningaasaliissutissat qaffasissusissaat anguniakkat qaffasissusissaannut 3-mut nutaamut aalajangersarneqassaaq, kontunut pilersaarut nutaaq naapertorlugu
- Tamakkiisumik aningaasaliissuteqartarnissaq atuutilersinneqarpoq – Aningaasartuutissanut isertitassanullu aningaasaliissutit
- Missingersuutitut aningaasaqarnikkut sinaakkutissat aningaasarsiornermi politikkeqarnikkut aalajangerneqassapput

- Sanaartugassanut missingersuutini atuisinnaanermut najoqqutassaq ukiut tullinut missingersuusiorfiusut ilanngullugit, 2017-imi atulersinneqartut assinga atorpeqassaaq.

Aaqqiissutissatut siunnersuut – suliatigut naliliineq

Missingersuutit tamarmiusut ukiut sisamat inger-laneranni oqimaaqatigiissinneqassapput imaluunniit sinneqartoorfiussapput. Tamanna Kommunit Namminersorlutik Oqartussallu missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersumi § 2 naapertorlugu allassimavoq.

§ 2 imm. 3 naapertorlugu ingerlatsinermut aningaasartuutit katinneranni kiisalu nuussinerit annerpaamik isertitassatut naatsorsuussat ukiuni 4-ni 93 procentiusimappat.

Kommunip aningaasaqarnermik aqutsinera nukittorsarniarlugu, tamatumunnga kommunip ingerlatsinermut aningaasartuutaasa siunissami aningaasatigut atugassariligassanut naleqqussarneqarnissaa ilanngullugu, kommunip suliassaqaarfiini assigiinngitsorpasuarni pinngitsoorani aningaasartuutaasariaqartut nalunaarsornerini uppernarsaatitassaqartut toqqammavigalugit kommunimi aningaasatigut aqutsisoqassasoq. Pinngitsoorani aningaasartuutaasariaqartut tassaapput:

- Suliassaqaarfimmi aningaasatigut pingaarutillit suuneri
- Sunniuteqarfigisinnaasat - taakkununnga ilanngullugit allatut aaqqiissutaasinnaasut
- Suliniutit aningaasatigut kingunerisassaattut ilimagisat
- Akissuteqarfigineqarnissamut piffissaq - suliniutip aallartinneqarnissaanut piffissaliussaq, ilimagisamik aningaasatigut kingunerisassat paasineqarnissaasa tungaanut

Missingersuusiornerissamut maleruagassat sularineqarput siunissami aningaasanik aqutsineq - missingersuusiorneq ilanngullugu - taakkunani tunngaviit naapertorlugit sularineqarnissaat ikorfartorniarlugu.

Aningaasaqarnikkut sulisoqarnikkullu naliliinerit

2020-mut missingersuusiornermut atatillugu suliassat pingaarnertut kommunip nammineq sulisuinit sularineqassapput.

Inatsisitigut tunngavissaq allakkallu tunngaviusumik uppernarsaatitallit

- Kommunit aqunneqarnerat pillugu inatsit, § 5
- Kommunit siumoortumik missingersuusiornerat, akiliisinnaassuseqarnerat, naatsorsuutaat kiisalu karsi aningaasanillu aqutsinerat pillugu nalunaarutit
- Ingerlatsinermut Aningaasaqarnermillu Aqutsinermut Najoqqutassiaq

Ingerlariaqqinnissaq

Missingersuutiniq suliaqarneq ukiap ingerlanerani ingerlanneqassaaq, taamaasilluni 07.10.2018-imi kommunalbestyrelse missingersuutit pillugit immikkut sammisaqarniassammat, missingersuutissallu inaarutaasut naammassineqarlutik, akuersissutigineqarlutik kingusinnerpaamillu 26. novembari 2018 tamanut saqqummiunneqarlutik.

Aningaasaqarnermut Allatseqarfirmmit oqaaseqaatit

Allanik oqaaseqaateqartoqanngilaq

Siusinnerusukkat aalajangerneq

Aningaasaqarnermut Inuussutissarsiornermullu Ataatsimiititap 10. aprili 2019-imi aalajangiussaa:

Ataatsimiititap inassuteqaat akuersissutigaa immikkullu oqaaseqaateqarluni:

"missingersuusiornermut isumaqatiginninniarnaq sioqqullugu pingaarnersiuilluni isumasioqatigittoqassasoq"

Ilanngussaq

2020-mut missingersuusiornissamut maleruagassat

Punkt 04B: Kommunitut pilersaarummut tapiliussatut siunnersuut, 2B1-1 Industrivej, Nuuk, Nuussuaq

Beslutning

Inassutigineqartoq akuerineqarpoq.

Bilag

2B1-1_Bilag1_KAL.pdf

2B1-1_bilag2_KAL.pdf

2B1-Industrivej_KAL.pdf

Kommunimut pilersaarummut tapiliussatut siunnersuut, 2B1-1 Industrivej, Nuuk, Nuussuaq

Aalajangiiffigisassaq

J.nr.: 16.03.01.01-P16-10-18

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Sanarfinermut Avatangiisinullu Ingerlatsiviup matumuuna kommunimut pilersaarummut tapiliussaq 2B1-1 Industrivej, Nuuk akuersissutigisassanngorlugu saqqummiuppa.

Kommunimut pilersaarummut tapiliussami suliffeqarfiit mingutsitsiffiunnginnerusut ineriartortinneqarnissaannut periarfissiiffiussaq, soorlu maskiinanik iluarsaasarfiit, biilnik iluarsaasarfiit, quersuit aammalu pisiniarfiit allaffeqarfiillu.

Kommunimut pilersaarummut tapiliussap siunertaraa sanaartorfissanik nutaanik immikkoortitsisoqarnissaa nunaminertamik atuinissamik akuersissutinik aallaaveqartunik, aammalu sanaartorfissanik ataatsimoortitsinissamut periarfissiisunik.

Kommunimut pilersaarummut tapiliussaq siunnersuutitut tamanut tusarniaassutigineqarpoq sapaatip-akunnerini arfineq-pingasuni piffissami 21.11.2018 - 16.01.2019. Tusarniaassummut akissuteqaat ataaseq pissarsiarineqarpoq. Taanna annikitsunik oqaasertaatigut taamaallaat aaqqiissuteqartitsivoq.

Suliaq Sanarfinermut Avatangiisinullu Ataatsimiititap 25. marsi 2019 ataatsimiinnerani eqqartorneqarpoq, inassuteqaatigineqartorlu akuersissutigineqarluni, suliarlu Aningaasaqarnermut Inuussutissarsiornermullu Ataatsimiititamut Kommunalbestyrelsimullu inaarutaarusumik akuersissutigisassanngorlugu ingerlateqqillugu.

Suliaq Aningaasaqarnermut Inuussutissarsiornermullu Ataatsimiititap 10. aprili 2019-imi ataatsimiinnerani oqaluuserineqarpoq, inassuteqaatigineqartoq ataatsimiititamit akuersissutigineqarpoq suliarlu Kommunalbestyrelsimut inaarutaasumik akuerisassanngorlugu ingerlateqqinneqarluni.

Inassuteqaatit

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Kommunimut pilersaarummut tapiliussaq, 2B1-1 Industrivej Kommunalbestyrelsimut inaarutaasumik akuersissutigineqassasoq.

Suliassamik saqqummiussineq

Inuussutissarsiteqartut inuussutissarsiteqarfanni pioreersuni alliliinissamut periarfissat ujarlorpaat. Kommunimut pilersaarummut tapiliussami matumani immikkoortut 2C2 aamma 2B1 inuussutissarsiteqarfittut ataatsimoortinneqarnissaat periarfissaavoq. Taamaasilluni Industrivej ilaannakortumik sumiiffik-C-tut nalunaarsorsimanera allanngortissaaq, qitiusoqarfinngorlugu sumiiffik-B-tut, inuussutissarsiteqarfik.

Kommunimut pilersaarummut tapiliussami suliffeqarfiit mingutsitsiffiunnginnerusut ineriartortinneqarnissaannut periarfissiiffiussaaq, soorlu maskiinanik iluarsaasarfiit, biilnik iluarsaasarfiit, quersuit aammalu pisiniarfiit allaffeqarfiillu. Illoqarfimmi inuussutissarsiuteqarfiit anginerusut pilersaarusiorneq eqqarsaatigalugu inuussutissarsiuteqarfiit annertusaavigineqarnissaannut tunngaveqarput, illoqarfiullu ilaani sumiiffinni allani inuussutissarsiuteqarfinnik allanik pilersitsiffiussalluni. Pilersaarummi sumiiffiup piffissap ingerlanerani ineriartortinneqarnissaa siunertarineqarpoq, taamaattumillu maannakkut tamaani inissisimasut pisarnertut ingerlaannassapput.

Kommunimut pilersaarummut tapiliussami, sanaartorfissani immikkoortinneqartuni portunerpaamik 18m. illut sisamanik quleriillit tikillugit sananeqarsinnaapput, tamakkualu immikkoortumi nunaminertat atugassiissutigineqartut pioreersut aallaavigineqassallutik. Kommunimut pilersaarummut tapiliussami periarfissaavoq sanaartorfissat ataatsimoortinneqarnissaat nunaminertanut arlalinnut, taamaasillunilu sanaartorfissanik anginerusunik periarfissaqalersitsissalluni.

Ullumikkut Industrivej angallaffiusaqaq ilaatigut pisuinnarnit, cykelertunit motoorilinniingitsunillu allanit, tamaanilu aamma arlalinnik pisiniarfeqarpoq. Immikkoortumi Nuup qeqqa Nuussuarlu ataqatigiissinneqarput. Taamaattumik Industrivejip tungaanut illut saqqaasa ilusilersorneri illuliortaatsillu atorneqartussat pingaartinneqassapput, aqquserngup takujuminartuunissaanut nittarsaaqataassallutik, illut silatai aqquserngup tungaanut sammitinneqassallutik. Pisuinnarnut allanullu aqqusineq suli pitsanngorsarniarlugu kommunimut pilersaarummut tapiliussami siunnersuutigineqarpoq, aqquteeqqap Industrivejikkoortup titartarneqarnissaa, taassumalu aasakkut ujarassuarnik inissitsiteriffiusarnissaa. Ujarassuit taakkua ukiuunerani peerneqartassapput, tamaani aputaajaasoqartarniassammat.

Aaqqiissutissatut siunnersuut – suliatigut naliliineq

Nuuk inuussutissarsiuteqarfinnik pisariaqartitsiffiuvoq suliffeqarfinnut mingutsitsiffiunnginnerusunut atugassanik. Sumiiffimmi pisiniarfinnut ataqatigiissarlugu suliffeqarfiillu pioreersut tamaaniimmata Ingerlatsiviup nalilerpaa, kommunimut pilersaarummut tapiliussami Industrivejip pitsaasumik ineriartortinneqarnissaanut ilassuseeqataassasoq.

Ingerlatsiviup ilanngullugu pingaartippaa, kommunimut pilersaarummut tapiliussaq aqqutigalugu aqquteeraq illoqarfimmi sumiiffinnut assigiinngitsunut aallaavisoq atorlugu pisuinnaat, cykelertut motoorilinnillu atuinngitsut atugassarissaarnerulissasut.

Aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq aningaasaqarnikkut kinguneqassanngilaq.

Inatsisitigut tunngavissaq allakkallu tunngaviusumik uppersaatitallit

Pilersaarusiorneq aamma nunaminertat atorneqartarneri pillugit Inatsisartut inatsisaat nr. 17, 17. november 2010-imeersoq aamma

Inatsisartut inatsisaat nr. 34, 9. decemberi 2015-imeersoq

Kommunimut pilersaarut digitaliusoq www.sermersooq2028.gl

Ingerlariaqqinnissaq

Kommunimut pilersaarummut tapiliusaaq Sanarfinermut Avatangiisinullu Ataatsimiititamit akuersissutigineqareerpat Aningaasaqarnermut Inuussutissarsiornermullu Ataatsimiititamut akuersissutigisassanngorlugu kingornalu Kommunalbestyrelsimut inaarutaasumik akuersissutigineqarnissaanut ingerlateqqinneqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit allanik oqaaseqaatissaqartoqanngilaq suliassamillu saqummiussami innersuussutigineqartup akuersissutigineqarnissaa inassutigalugu.

Innuttaasunik peqataatitsineq/attaveqaqatigiinneq

Kommunimut pilersaarummut tapiliusaaq siunnersuutitut tamanut tusarniaassutigineqarpoq sapaatip-akunnerini arfineq-pingasuni piffissami 21.11.2018 - 16.01.2019 tassungalu atatillugu tusarniaanermut akissuteqaat ataaseq piffissaq eqqorlugu tiguneqarpoq.

Ingerlatsivinniit allaniit oqaaseqaatigineqartut

Soqanngilaq

Siusinnerusukkut aalajangerneq

Sanarfinermut Avatangiisinullu Ataatsimiititap 25. marsi 2019-imi aalajangernera:
Ataatsimiititap inassuteqaat akuersissutigaa

Aningaasaqarnermut Inuussutissarsiornermullu Ataatsimiititap 10. aprili 2019-imi aalajangiussaa:
Ataatsimiititap inassuteqaat akuersissutigaa.

Ilanngussat

1. Tusarniaanermut akissutit ingerlatsivimmit suliarineqarnerat.
2. Tusarniaanermut akissutit
3. Kommunimut pilersaarummut tapiliusaaq 2B1-1

Punkt 04C: Suliassamut tunngavissaq

Beslutning

Inassutigineqartoq akuerineqarpoq imatut allannguuserlugu: qulequtaa allannguuteqartinneqassasoq, taamaalilluni qulequtaa peerneqarluni.

Bilag

Kommissorium-300Åřret-Hans-Egede_26950_KAL.docx

Suliassamut tunngavissaq

Hans Egedep tikinneranit ukiut 300-t qaangiupput

Aalajangiiffigisassaq

J.nr.: 00.12

Suliffeqarfimmi Kiffartuussineq – Kommunaldirektøri Lars Møller-Sørensen / LMS

Suliassamik eqikkaaneq

2018-imi ukiakkut missingersuutit isumaqatigiinniutigineqarnerini Hans Egedep Kalaallit Nunaannut tikinneranit ukiut 300-t qaangiuttut malunnartinniarlugu aningaasanik immikkoortitsinissaq Kommunalbestyrelsimit aalajangiunneqarpoq.

Maanna politikkikkut aalajangiussassamik malunnartitsinissamut allaffissornikkut najoqqutassiisussamik suliassamut tunngavissaliortoqarpoq.

Suliaq Aningaasaqarnermut Inuussutissarsionermullu Ataatsimiititap 10. aprili 2019 ataatsimiinnerani eqqartorneqarpoq, oqaaseqaatigalugulu takornariaqarnermut tunngasoq ersarissarneqassasoq suliarlu Kommunalbestyrelsimut inaarutaasumik aalajangiiffigisassanngorlugu ingerlateqqinneqassasoq

Inassuteqaat

Aningaasaqarnermut Inuussutissarsionermullu Ataatsimiititap Kommunalbestyrelsimut inassuteqaatigaa:

- Suliassamut tunngavissaq Kommunalbestyrelsimit inaarutaasumik akuersissutigineqassasoq.

Suliassamik saqqummiussineq

2018-imi ukiakkut missingersuutit isumaqatigiinniutigineqarnerini Hans Egedep Kalaallit Nunaannut tikinneranit ukiut 300-t qaangiuttut malunnartinniarlugu aningaasanik immikkoortitsinissaq Kommunalbestyrelsimit aalajangiunneqarpoq. Maanna politikkikkut aalajangiussassamik malunnartitsinissamut allaffissornikkut najoqqutassiisussamik suliassamut tunngavissaliortoqarpoq.

Ukioq 2021 tassaassaaq Hans Egedep Nuup akianut Illuerunnernut tikinneranit ukiut 300-
nngornerat. 2018-imi ukiakkut missingersuutit isumaqatigiinniutigineqarnerini
malunnartinneqarnissaanut aningaasanik immikkoortitsisoqarnissaa akuersissutigineqarpoq.
Kultureqarnermut Aaqqissuussanullu Immikkoortortaqaqarfiup aqutsisua suliniummut
ataqatigiissaarisuussaaq. Aammattaaq suleqatigiissitamik sulisunik kiisalu innuttaasunik
soqutiginnittunik inuttaqartussamik pilersitsinissaq aalajangiunneqarpoq.

Aaqqiissutissatut siunnersuut – suliatigut naliliineq

Suliassamut tunngavissamik suliaqartoqarpoq, taannalu naapertorlugu naqqaniit suliarinissaanut politikkikkut kissaatit naammassineqassapput. Malunnartitsinissamut pingaarnertut qulequtarineqassaaq "kulturi pillugu naapinneq". Nunatta Isiginnaartitsivia aamma Nunatta Katersugaasivia suleqatigiinnissaq pillugu oqaloqatigineqarput. Kultureqarnermut Aaqqissuussanullu immikkoortortaqaqarfiup taakku marluk peqatigalugit malunnartitsinissamut najoqqutassat kingornalu soqutigisaqaqatigiinnik allanik oqaloqateqarnissamut periarfissat pilersissavai. Kultureqarnermut Aaqqissuussanullu immikkoortortaqaqarfimmi aqutsisoq suliniummut ataqatigiissaarisuussaaq tassanilu illoqarfiup innuttai pillugit aaqqissuussanik soqutiginnartunik, maannakkut pisunik paasissutissiissutitalinnillu pilersitsinissaq qitiutinneqassaaq.

Malunnartitsinermi upperisarsionertut iliuuseqarnissaq siunertaanngitsoq ilisimaarineqarpoq, kulturimulli sammitinneqarluni.

Aningaasatigut sulisoqarnikkullu naliliinerit

2019-imut missingersuutit isumaqatigiinniutigineqarnerinut katillugit suliniummut 2.750.000 koruunit akuersissutigineqarput imalu agguataarneqassallutik: 2019-imi 150.000, 2020-mi 600.000 taavalu 2021-mi 2.000.000.

Inatsisitigut tunngavissaq allakkallu tunngaviusumik uppernarsaatitallit
2019-imut missingersuutitut siunnersuut nr. P2 AIA.

Ingerlariaqqinnissaq

Suliassamut tunngavissaq akuersissutigineqassappat suleqatigiissitaq aamma sukumiisumik suliniutip allaaserineqarnissaa pillugit suleriaqqittoqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfik oqaaseqartinniarneqanngilaq.

Innuttaasunik peqataatitsineq/attaveqaqatigiinneq

Suleriaqqinnermi tamanna eqqarsaatissatut ilanngunneqassaaq.

Ingerlatsivinniit allaniit oqaaseqaatigineqartut

Oqaaseqartitsiniartoqanngilaq.

Siusinnerusukkut aalajangerneq

Aningaasaqarnermut Inuussutissarsiornermullu Ataatsimiititap 10. aprili 2019-imi aalajangiussaa:
Ataatsimiititap inassuteqaat akuersissutigaat takornarialerinnermut tunngasup erseqqarinnerunissaanik oqaaserlugu.

Ilanngussaq

1. Suliassamut tunngavissaq

Punkt 04D: Kulturi pillugu politikki

Beslutning

Inassutigineqartoq akuerineqarpoq.

Bilag

Kulturpolitik_KAL_final.docx

Kulturi pillugu politikki

Aalajangiiffigisassaq

J.nr.:01.02.01

Suliffeqarfimmut Kiffartuussivik – Kommunaldirektøri Lars Møller Sørensen / LMS

Suliassamik eqikkaaneq

Kommuneqarfik Sermersuup kulturi pillugu politikkia nutarterneqassaaq nutarsarneqarlunilu. Taamaattumik kommunimi kulturi pillugu politikki ineriartornermut tikkuussisuusassaq suliarineqarpoq. Eqqumiitsuliornermi kulturilerinermilu suliniutaasussat qanoq ilusilersorneqassanersut pillugit annertuumik nassuiaatitaqartussamik kultureqarneq pillugu kommunip periusissiaanik kulturi pillugu politikki tunngaviliissaaq.

Kulturi pillugu politikki kommunip pingaarnertut takorluugai immikkoortut sisamaasut iluini nassuiarneqarput:

1. Kulturi pinngorartitsineri ingerlatsisutut
2. Killeqarfiit tamaasa aqqusaarlugit kulturi
3. Sermersuaq ikaarlugu kommune kulturilik
4. Innuttaasunut tamanut atuuttumik uummaarissumik kulturilerineq

Suliaq Aningaasaqarnermut Inuussutissarsiornermullu Ataatsimiititap 10. aprili 2019-imi ataatsimiinnerani oqaluuserineqarpoq, inassuteqaatigineqartoq ataatsimiititami akuersissutigineqarpoq suliarlu Kommunalbestyrelsimut inaarutaasumik akuersissanngorlugu ingerlateqqinneqarluni.

Inassuteqaatit

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Kulturi pillugu politikki Kommunalbestyrelsimut inaarutaasumik akuersissutigineqassasoq.

Suliassamik saqqummiussineq

Anguniagaqartumik kultureqarnermut periusissiaqarluni ukiorpassuarni suliaqareernerup kingorna Kommuneqarfik Sermersuup kulturi pillugu politikkia nutarternialerpoq. Kulturi pillugu politikki ineriartornermut tikkuussissaaq kiisalu eqqumiitsuliornermi kulturilerinermilu suliniutaasussat qanoq ilusilersorneqassanersut pillugit annertuumik nassuiaatitaqartussamik kultureqarneq pillugu kommunip periusissiaanik tunngaviliissalluni.

Suliaqarnermi sisamariarluni peqataatitsisoqarpoq:

1. Eqqumiitsuliornermut ukkatarisatut misissuineri tusarniarneqarput
2. Kommunimi kulturilerinermut suliffeqarfiit aamma kultureqarnermut immikkoortortaqaqarfiit tamarmik nunalu tamakkerlugu kulturilerinermut suliffeqarfiit peqatigiiffiillu kulturilerisut tusarniarneqarput
3. Kommunip innuttaasunik peqataatitsisarnerani app ISUMAGA iluaqutigalugu misissuineri innuttaasut tusarniarneqarput
4. INUUSUKOMBEST-imut ilaasortaasut eqqumiitsuliornermut tunngatillugu misilittakkaminnik eqqartueqquneqarput aammalu eqqumiitsuliornerup kulturilerinerullu siunissami ineriartortinnissaanut kissaataannik tusarniarneqarlutik
5. Najukkami ataatsimiititaliaq tusarniarneqarpoq

Aammattaaq kommunalbestyrelsip immikkut sammisaqartinneqarneratigit Kommuneqarfik Sermersuumi kulturilerinerup ineriartortinneqarnissaanut takorluukkat anguniakkallu suliarineqarput. Immikkut sammisaqarnermi suleqatigiikkuutaarnermit angusat, peqataatitsinermit akissuteqaatit illoqarfiillu pingaarnersaannut iliuusissatut pilersaarummi anguniakkat nassuiaatigineqarneri Suleqatigiinnissamullu isumaqatigiissut kultureqarnermut periusissialiornissamut tunngaviliissuupput.

Kulturi pillugu politikki anguniagaapput:

1. eqqumiitsuliornermik nutaaliornermillu aallarnisaasunut atugassarititaasut pitsaanngorsassallugit.
2. suleqatigiinnikkut angusaqarnerunissaaq siunertarlugu killeqarfiit suliffeqarfiillu akimorlugit eqqumiitsuliorneq ilanngutissallugu
3. kommunimi kulturilerinermut suliffeqarfiit tamarmik akornanni suleqatigiinnerup nukittorsarneqarnissaa

4. qanorluunniit ukioqaraluartunut kulturilerinermik pilerinartumik neqeroornissaq aamma pingaartumik nukarliit innuttaasullu ilungersunartorsiortut eqqumiitsulianik kulturimillu neqeroorfigissallugit

Aaqqiissutissatut siunnersuut – suliatigut naliliineq

Kulturimik attassinikkut, ingerlatitseqqiinikkut nutarsaanikkullu eqqumiitsuliat kulturilu taakkuupput qangaaniit siunissamat pilersitsisarput. Eqqumiitsuliorneq kulturilu tamatigut aaqqiissutissiineq ajorput, kisianni paasinnitsitsisarput. Pisimasut, maannakkut pisut pillugit paasinnineq siunissamullu iluarsisutit. Kulturi taannaavoq taannaajuarsimavorlu inuiaqatigiitta ineriartorneranni aalajangiisuulluinnartartoq. Inuiaqatigiinni ilisimasanik, pilersitsinermik tarrarsorfissamillu pilersitsinissaq eqqumiitsuliornermi kulturimilu siunertaapput. Ataqtatigiilersitsisarput ataatsimullu kinaassuseqalersitsisarlutik. Immikkuullarissumillu naleqarlutik.

Kulturi pillugu politikki una atorlugu innuttaasut kikkulluunniit kulturimik atuisuulernissaat anguniassavarput. Tamatuma saniatigut eqqumiitsuliorneq eqqumiitsuliamik inuussutigisinnanissaannut atugaannik pitsanngorsaassaagut.

Politikkitsinni anguniakkatta angunissaannut eqqumiitsuliaatitta pitsaassuseqarluartut naleqarluartumillu suleqateqariaaseqarnitsigut kulturi pillugu suliaqartunik, kulturi pillugu uumatitsisunik inuiaqatigiillu ilaannik nukittuumik attaveqarnissarput pisariaqartipparput.

Kulturi pillugu politikkip Kommuuniarfik Sermersuumut politikkit allat periusissiallu ataqtatigiisilluinnarlugit qanimut suleqatigiisitsilersut atorneqassapput. Politikkiliornermi kultureqarnermi ineriartortinnissaanut atugassarititaasut pitsanngorsarniarnerisa saniatigut siusinnerusukkut politikkinut sanilliullugu sivisunerusumik ukkataqarnissaq anguniarneqarpoq.

Nuuk Nordiskip 2017-imi ingerlanneqarnerani kulturip politikkiput oqallisigineqarnerani kultureqarnermut tunngatillugu pilersaaruseqarneq siunissaq qanippallaaq kisiat aallutarineqartoq isornartorsiorneqarpoq.

Aningaasatigut sulisoqarnikkullu naliliinerit

Politikkimut tunngatillugu aningaasatigut kingunerisassaqaanngilaq, taamaattoq imarisaata akuersissutigineqarneratigut kingusinnerusukkut politikkiittut suliaatit kivinneqarnissaannut suliaatit suliniutinullu missingersuusiornissamik pisussaaffiliisussaavoq.

Inatsisitigut tunngavissaq allakkallu tunngaviumik uppernarsaatitalit

Kommuuniarfik Sermersuup Illoqarfiit pingaarnersaat pillugu iliuusissatut pilersaarut Kommuuniarfik Sermersuup Suleqatigiinnissamik isumaqatigiissutaa

Ingerlariaqqinnissaq

Ataatsimiititap tulliani 16.05.2019-imi ataatsimiinnissaanut Suliffeqarfimmi Kiffartuussiviup kultureqarnermut periusissiap akuersissutigineqarnissaa innersuussutigissamaarjaa.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqarsimanngilaq

Innuttaasunik peqataatitsineq/attaveqatigiinneq

Suliaqarnermi sisamariarluni peqataatitsisoqarpoq:

1. Eqqumiitsuliorneq ukkatarisatut misissuinermi tusarniarneqarput
2. Kommunimi kulturilerinermut suliffeqarfiit aamma kultureqarnermut immikkoortortaqaarfiit tamarmik nunalu tamakkerlugu kulturilerinermut suliffeqarfiit peqatigiiffiillu kulturilerisut tusarniarneqarput
3. Kommunip innuttaasunik peqataatitsisarnerani app ISUMAGA iluaqutigalugu misissuinermi innuttaasut tusarniarneqarput
4. INUUSUKOMBEST-imut ilaasortaasut eqqumiitsuliornermut tunngatillugu misilittakkaminnik eqqartueqquneqarput aammalu eqqumiitsuliornerup kulturilerinerullu siunissami ineriartortinnissaanut kissaataannik tusarniarneqarlutik
5. Najukkami ataatsimiititaliaq tusarniarneqarpoq

Siuserusukkut aalajangerneq

Aningaasaqarnermut Inuussutissarsiornermullu Ataatsimiititap 10. aprili 2019-imi aalajangiussaa:

- Ataatsimiititap inassuteqaat akuersissutigaa.

Ilanngussaq

1. Kulturi pillugu politikki

Punkt 04E: Eqqumiitsulianik Saqqummesitsivik pillugu malittarisassat

Beslutning

Inassutigineqartoq akuerineqarpoq.

Bilag

Gavebrev med bilag.pdf

Forslag til vedtægter Nuuk Kunstmuseum KAL.pdf

Eqqumiitsulianik Saqqummesitsivik pillugu malittarisassat

Aalajangiiffigisassaq

J. nr. 58.00

Suliffeqarfimmi Kiffartuussineq – Kommunaldirektøri Lars Møller-Sørensen / LMS

Suliassamik eqikkaaneq

Nuummi Eqqumiitsulianik Saqqummersitsiviup Katersugaasiveqarnermut Ataatsimiititaliamut qinnutigalugu kissaatigerusuppaa katersugaasivittut akuerineqarnissani, taamaasilluni katersugaasivimmut periarfissat ammaaneparnissaanut periarfissaqalissagami.

Akuerisariaqakkatut Kommunalbestyrelsip maleruagassanut siunnersuutit akuerissavai kiisalu siulersuisut ataatsimoortinneqarnissaat Nuummi Eqqumiitsulianik Saqqummersitsivik tamanna pillugu qinnuteqarsinnaaniassammat.

Suliaq Aningaasaqarnermut Inuussutissarsionermullu Ataatsimiititap 10. aprilli 2019-imi ataatsimiinnerani oqaluuserineqarpoq, inassuteqaatigineqartoq ataatsimiititami akuersissutigineqarpoq suliarlu Kommunalbestyrelsimut inaarutaasumik akuerisassanngorlugu ingerlateqqinneqarluni.

Inassuteqaatit

Aningaasaqarnermut Inuussutissarsionermullu Ataatsimiititap Kommunalbestyrelsimut inassuteqaatigaa:

- Eqqumiitsulianik Saqqummersitsivik pillugu malittarisassat Kommunalbestyrelsimut inaarutaasumik akuersissutigineqassat.

Suliassamik saqqummiussineq

Nuummi Eqqumiitsulianik Saqqummersitsivik tassaavoq suliffeqarfik kulturimik sammisaqartoq, Kommuneqarfik Sermersuup Kulturi Aaqqissuussisarnermillu Immikkoortortaqqarfimmiittoq, katersugaasivittut taaneqalernissaanut akuerineqarnissaanut Katersugaasiveqarnermut Ataatsimiititaliamut qinnuteqarpoq. Akuerineqarniaraanni malittarisassatut siunnersuusiornissaq aamma siulersuisut katiternissaat Kommunalbestyrelsimut Katersugaasiveqarnermullu Ataatsimiititaliamut akuersissutigineqartussamik suliaqartoqarnissaa pisariaqarpoq. Nuummi Eqqumiitsulianik Saqqummersitsivik Katersugaasiveqarnermut Ataatsimiititaliamut akuerineqarpat Katersugaasiveqarnermut Ataatsimiititaliaq, Nunatta Katersugaasivia Allagaateqarfialu kalaallillu katersugaasivii allat akuerisat qanimut suleqatigisinnaasariaqalissagamigit. Nuummi Eqqumiitsulianik Saqqummersitsivik akuerineqarpat katersugaasivinni akuerisanit ammasumik suleqateqalerneq sulianillu atukkeeqatigiinneq pilissammat, naalagaaffiup nalunaarsuineranut atortuinut isersinnaalissaaq, aamma ajornartorsiutaasinnaasut soorlu eqqumiitsulianut tunngasut eriagineqartulluunniit pillugit siunnersorneqarnissamut ataatsimeeqatigisarnissaannillu periarfissaqarnerulissallutik.

Aaqqiissutissatut siunnersuut – suliatigut naliliineq

Nunatta Katersugaasivia Allagaateqarfialu, Kultureqarnermut Naalakkersuisoqarfik kiisalu Kommuneqarfik Sermersuumi Qinikkanut Allatseqarfik aamma Kulturi Aaqqissuussisarnermillu Immikkoortortaqqarfik isumasioqatigalugu Nuummi Eqqumiitsulianik Saqqummersitsiviup katersugaasivimmi pisortamit malittarisassatut siunnersuut una suliarineqarpoq. Malittarisassat inatsisit atuuttut tunngavigalugit suliaapput kiisalu Tunissutip Allagartaa katersugaasiviup sananeqarnerani atorneqarsimasoq eqqarsaatigalugu.

Inatsisini allassimavoq Kommunalbestyrelse ilaasortanik marlunnik kiisalu sinniisussanik marlunnik toqqaassasoq, taakkulu toqqakkat Kommunalbestyrelsimut ilaasortaanissaat pisariaqanngillat.

Susasaqarfimmi inatsisit malinneqarnissaat siunertaralugu malittarisassat ilusilersorneqarput. Tunissutip allagartaa tapiliussartaalu inatsisilerinikkut nalilernerqarnera tunngavigalugu

atorunnaarsitsinermut aalajangersakkat pillugit maleruagassat inatsisit piumasaqaataanut nikingavoq, tamanna Tunissutip Allagartaanut akerliusssaammat.

Tunissutip Allagartaa ima naatsorsuuteqarpoq: *"Uanga, Helene Investeringsselvskabellu naatsorsuutigaa, Nuup Kommuniata tunissutimut tamarmiusoq eqqarsaatigalugu qulakkeerneqassasoq, katersugaasivik katersugaasivittut ingerlatiinarneqassasoq tassungalu tunngasut siunissami ingerlatsinermi aserfallatsaaliuinemilu pisussaaffiit tiguneqassasut."* Katersugaasiveqarnermut inatsimmi § 19 malillugu katersugaasivik unitsitsisariaqassaaq: *"Katersugaasivik sulinerminik unitsitsisariaqarpat katersugaasiviup katersugaataasa qanoq pineqarnissaat Nunatta Katersugaasiviata Allagaateqarfiatalu aalajangiivigissavaa".* Imm. 2. *Unitsitsineq katersugaasiviup akuersissummik arsaagaaneranik pissuteqarpat imm. 1 ma-lillugu aalajangiineq imaassaaq, katersugaasivik suliainik unitsitsisoq akuersissummik arsaagaanermiit ukiut marluk qaangiutinnginneranni akuerisaaqqinnermigut periarfissaqassalluni katersu-gaatiminut oqaasissaqartuuleqqinnissamat.*

Tunissutip allagartaata kommuni pisussaattippaa katersugaasiviup ingerlatinneqarnissaa. Taamaattumik Nunatta Katersugaasivia katersukkat pillugit siunissami aalajangiisinnanissaanut periarfissaqanngilaq, soorlu massakkut katersugaasivik unitsinneqarnissaanut periarfissaqanngittoq. Tunissutip Allagartaa inatsisillu akornanni naapertuilluanngittoqarnerata malitsigisaanik Katersugaasiveqarnermut inatsisartut inatsisaanik §19 avaqqussillutik paragraffimik katersugaasivimmik unitsitsinermik tunngasumik ilusilersuisoqarpoq.

Nuummi Eqqumiitsulianik Saqqummersitsiviup malittarisassaani § 8: *"Katersugaasiviup katersugaasivittut akuerisatut ingerlannera atorunnaassagaluarpas, tassunga akuersissut ilanngullugu, katersugaasivittut akuerisatut katersugaatit ilanngullugit malittarisassat assingi naapertorlugit piffissami atorunnaarfiani pigineqartut ilanngullugit Katersugaasiviup ingerlanneqarnera nuunneqassaaq."*

Aalajangersagaq pingaartumik tunngavilimmik ilusilersorneqarnikoq Katersugaasiveqarnermut Ataatsimiititaliamut saqqummersinneqarnissaa pisariaqalissaaq. Katersugaasiviup pisortaata suliaasaq taanna tigussuaa. Tunisisup kissaataa piumasaalu unioqqutinnginniarlugu Nuummi Eqqumiitsuliornermi Saqqummersitsivimmut maleruagassat immikkut ittumik unitsitsinermut aalajangersagaqarnissaa piumasaqaateqarnerata paasineqarnissaa naatorsuutigineqarpoq.

Siunissami maleruagassani allannngortoqaraangat museumsbestyrelsi inassuteqareeraangat Kommunabestyrelsimi akuerineqartassapput, tak. piginnaatitsinermik agguataarinissamat pilersaarut

Aningaasatigut sulisoqarnikkullu naliliinerit
Aningaasatigut sulisutigullu kinguneqannginnissaa nalilerneqarpoq.

Inatsisitigut tunngavissaq allakkallu tunngaviusumik uppernarsaatitaliit
Katersugaasiveqarneq pillugu Inatsisartut inatsisaat nr. 8, 3. juni 2015-imeersoq
Tunissutip allagartaa ulloq 15. agusti 2005

Ingerlariaqqinnissaq
Aningaasaqarnermut Suliffeqarnermullu Ataatsimiititaq kommunalbestyrelsilu saqqummiussamat akuersippata katersugaasiviup pisortaata Katersugaasiveqarnermut Ataatsimiititaliamut akuersitsinissamat qinnuteqassooq.

Katersugaasiveqarnermut Ataatsimiititaliamit maleruagassanut allannguuteqarnissamat siunnersuuteqartoqassappat politikikkut suliarineqaqqissapput. Maleruagassat allannngortinneqaratik akuerineqassappatta ulloq taanna Katersugaasiveqarnermut Ataatsimiititaliap maleruagassat akuerippassuk atulissapput, aammalu borgmesterimit atsiorneqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqarsimanngilaq.

Siusinnerusukkut aalajangerneq

Aningaasaqarnermut Inuussutissarsiornermullu Ataatsimiititap 10. aprili 2019-imi aalajangiussaa:

- Ataatsimiititap inassuteqaat akuersissutigaa.

Ilanngussat

1. Tunissutip allagartaa ulloq 15. aggusti
2. Nuummi Eqqumiitsulianik Saqqummiussivimmi malittarisassanut siunnersuutit

Punkt 04F: Mitsimmavik, Nuummi inissialiorfissaq nutaaq

Beslutning

Inassutigineqartoq akuerineqarpoq.

Bilag

BILAG 1_KAL.pdf

Bilag 2_KAL DK.pdf

Bilag3KAL DK.pdf

Mitsimmavik, Nuummi inissialiorfissaq nutaaq

Sanaartugassatut qinnuteqaat

Aalajangiiffigisassaq

J nr: 16.03-P20-6-18

Sanarfinermut Avatangiisinullu Ingerlatsivik – Pisortaq, Hans Henrik Winther Johannsen / HHWJ

Suliassamik eqikkaaneq

Sanarfinermut Avatangiisinullu Ingerlatsivik Nuummi Qinnugtsinni suliassatut nutaanik inissialiornissamut atugassamik nunaminertamik atuinissamut immikkoortitsiffigineqarnissamik qinnuteqaammik tigusaqarpoq. Qinnuteqaammi pineqarput sanaartorfigiuminarsaanissaq, attaveqaatinik atortulersuutinillu pilersitsinissaq aammalu inissianik 160-it missaanniittunik sanaartornissaq, aammalu meeqqeriviliornissaq kiisalu asiartarfittut ornittakkanik ilaatigut sissaq sinerlugu aqqusiornissaq.

Sanarfinermut Avatangiisinullu Ingerlatsiviup nalilerpaa suliassaq Illoqarfiit pingaarnersaanut periusissiamut kommunimullu pilersaarummut naapertuulluinnartuusoq, tassani inissiat assigiinngitsut neqeroorutigineqarmata, meeqqerivik aammalu asiartarfittut ornittakkat, Nuummi inissiaqarfinni ineriartortitsinissamut pilersaarutaareersunut ilaatitsereermata.

Taamaakkaluartoq Sanarfinermut Avatangiisinullu Ingerlatsiviup siunnersuutigaa, ataasiakkaanik piumasaaqateqartoqassasoq ilaatigut sissaq sinerlugu aqqusiassap inissinneqarnissaanut atatillugu, suliassatullu qinnuteqaammi inissiiffissaatut siunnersuut pinnagu, ilanngullugulu inissialiassat qanoq suliarineqarnissaanut tunngasoq iluarsineqassasoq, taamaasilluni siunissami attartortunngortussanut tamakkiisumik aaqqiissutissaq pitsaanerulerniassammat.

Suliaq Sanarfinermut Avatangiisinullu Ataatsimiititap 4. februaari 2019-imi ataatsimiinnerani oqaluuserineqarpoq, ataatsimiititallu inassuteqaat akuersissutigaa piginnaatitsissutinillu agguataarinissamik pilersaarut Aningaasaqarnermut Inuussutissarsiornermullu Ataatsimiititamut aammalu Kommunalbestyrelsimut inaarutaasumik akuersissutigisassanngorlugu ingerlateqqillugu.

Aningaasaqarnermut Inuussutissarsiornermullu Ataatsimiititap Februaarip 28-iani 2019 aalajagiinera: Aalajangiiffigisassaq kinguartinneqarpoq.

Suliaq Aningaasaqarnermut Inuussutissarsiornermullu Ataatsimiititap 10. aprili 2019-imi ataatsimiinnerani oqaluuserineqarpoq, inassuteqaatigineqartoq ataatsimiititamit akuersissutigineqarpoq suliarlu Kommunalbestyrelsimut inaarutaasumik akuerisassanngorlugu ingerlateqqinneqarluni.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Mitsimmavik, Inissialiorfissap nutaap sap.ak. 8-ni tamanut tusarniaassutigineqarnissaanut Kommunalbestyrelsimut inaarutaasumik akuersissutigineqassasoq.

Suliassamik saqqummiussineq.

Sanarfinermut Avatangiisinullu Ingerlatsivik Nuummi Qinnngutsinni suliaassatut nutaanik inissialiornissamut atugassamik nunaminertamik atuinissamut immikkoortitsiffigineqarnissamik qinnuteqaammik tigusaqarpoq. Qinnuteqaammi pineqarput sanaartorfigiuminarsaanissaq, attaveqaatinik atortulersuutinillu pilersitsinissaq aammalu inissianik 160-it missaanniittunik sanaartornissaq, aammalu meeqqeriviliornissaq kiisalu asiartarfittut ornittakkanik ilaatigut sissaq sinerlugu aqqusiornissaq.

Sumiiffiit ilaanut inniminniinermik qinnuteqartoqarpoq, Pilersaarusiornermut Inatsit nutaaq naapertorlugu, Inatsisartut inatsisaat nr. 34, 9. december 2015-imeersoq. Ilanngussaq 2 takuuk. Pilersaarusiornermut Inatsisip allanngortinnerata nutaap ingerlanera ima nassuiarneqarsinnaavoq:

1. Aningaasaliisussap/Suliffeqarfiup pilersaarutini Kommunalbestyrelsimut nassiutissavaa, piumasaqaataavorlu aningaasaliisussap nammineerluni pilersaarummut tunngavilersuinissaa aammalu avatangiisinut tunngatillugu naliliinerit, assersuutigalugu VVM-it nammineq isumagalugit.
2. Kommunalbestyrelsip pilersaarut akuerissavaa, minnerpaamillu sapaatit akunnerini arfinilinni tusarniaassutigissallugu, tassunga ilanngunneqassapput Kommunalbestyrelsip qinnuteqarnissamut piumasaqaatai, taakkulu arlaanulluunniit attuumassuteqassanak.
3. Tusarniaanermi innuttaasut tusarniaassummut akissuteqarsinnaapput, akerlilliissuteqarsinnaapput imaluunniit allanik pilersaarutaasinnaasunik tunniussaqsinnaallutik.
4. Qinnuteqaatit tunuliaqutugalugit Kommunalbestyrelse arlaanulluunniit attuumassuteqanngitsumik pilersaarummik pitsaanerpaamik toqqaassaaq.
5. Tamatuma kingorna aningaasaliisussaq ukiuni marlunni sivilissuseqarsinnaasumik nunaminertamik inniminniinissaminik periarfissaqalissaaq kommunimullu pilersaarummut tapiliussap suliarineqarnera aallartissaaq.
6. Pilersaarutip annertussusaa tunngavigalugu avatangiisinut naliliisoqassappat, assersuutigalugu VVM-imik naliliisoqartariaqarpat, pilersaarummik piginnittup nammineerluni suliarissavaa aningaasaliiffigalugulu.

Pilersaarusiornermut inatsisip allanngornerata kingorna, nutaaq naapertorlugu, Pilersaarutit kommunimut pilersaarummut imaluunniit politikkikkut takorluukkanut naapertuutinnigippata Kommunalbestyrelsimit qaqugukkulluunniit unitsinneqarsinnaasut eqqaamaneqassaaq. Kalaallit Nunaanni inuussutissarsiornerup Naalakkersuisunit Kommuniniillu siuarsarneqarusunnera Pilersaarusiornermut Inatsimmik allannguineri siunertarineqarpoq, taamaaliornikkut aningaasaliisussanut aningaasaliinissaq ajornannginnerulissamat orniginarnerullunilu.

Aaqqiissutissatut siunnersuut – suliaticigut naliliineq

Sanarfinermut Avatangiisinullu Ingerlatsiviup nalilerpaa suliaassaq Illoqarfiit Pingaarnersaannut Periusissiamut naapertuulluinnartuusoq, tassani inissiat assigiinngitsut neqeroortigineqarmata, meeqqerivik aammalu asiartarfittut ornittakkat, Nuummi inissiaqarfinni ineriartortitsinissamut pilersaarutaareersunut ilaatitsereermata.

Ataatsimut isigalugu suliassami sanaartornermi aaqqissuussinerit najoqqutarineqarput, illularineqartussallu isikkussaata Nuummi ineriartortitsinissamik kissaatigineqartumut naapertuulluinnarput.

Inissialiassat 160-it saniatigut suliassamut ilaavoq silami majuartarfik qitiusumik inissisimasoq, taannalu immikkoortumi pisuinnaat aqquataannut ataneqarpoq, aqquataanili pinnguartarfeqarlunilu sangusarfeqassaaq uninngaarfusinnaasunik. Taamatut suliarineqaruni sumiiffik tamaat pitsaassuseqalersissavaa inissialiallu assigiinngisitaartut ataatsimuulersillugillusoq.

Suliassaq immikkoortut ilaannut marlunnut qinnuteqaataavoq, taakku Nuuk Pingaarnertut ilusissaani (Siorarsiorfik) pilersaarutaareersumi inissisimapput. Suliassatut qinnuteqaat amerlasuutigut kommunitumut pilersaarummut akuersissutaareersumut naapertuuppoq, kisiannili makkunatigut immikkuullarissuteqarluni:

Suliassatut siunnersuutigineqartumi illularineqartussat tamarmik ataatsimik marlunnillu amerlanerusunik qulereeqartitsissapput, kisialli suli najugaqarfiit tamarmik isikkivigissaarnissaat eqqarsaatigineqarpoq.

Aqqusineqartinneqarnera imaalillugu allanngortinneqarpoq, suliassatut siunnersuummi aqquserngit sisamat ingerlariaqqiffeqanngitsut suliarineqassapput, sumiiffik kaajallallugu ingerlariaqqiffissalimmik aqqusinniornissamut taarsiullugu.

Ingerlatsivik isorisaqalaarpoq, soqutiginnittullu tamakkua suliap ingerlaqqinnissaanut suliareqqissavai; sissaq sinerlugu aqqusineqqap erseqqissaatiginissaa aammalu suliassami ilaqutariit ataatsit qanoq suliarineqarnissaannut tunngatillugu isummernissaq.

Sissaq sinerlugu aqqusineeraq:

Sissaq sinerlugu aqqusiassap aallartinnissaa naammassinissaalu erseqqissumik nalunaarutigineqassasut, taavalu aqqut imaq sinerlugu suliarineqassaaq, tamanit aqqutigineqarsinnaasunngorlugu.

Qanoq suliarineqarnissaat:

Illut villat qulingiluat qanoq suliarineqarnissaat eqqarsaatigalugu Siorarsiorfiup suliarineqarnissaanut najoqqutassami aammalu Illuliortaatsimut politikkimi allaaserineqartut malinneqassapput. Ilaqutariit illuanni ataatsimi arfinilinnik initalimmi init pingaarnertut ataatsimoorfiusartussat tassaassapput igaffik/inilu assigiinngitsunik suaqarfiusartoq, taannalu matumani illup alanngortaani inissisimavoq, qaqqap tungaanut sammisumi isikkiveqarpianngitsumiilluni, naak illoqarfiup ilaa tamanna tupinnaannartumik isikkivigissumiikkaluartoq. Taamatut suliarineqassaguni init pingaarnertut kiassarneqarnissaat qaamaneqarnissaallu eqqarsaatigineqartumut naapertuutissanngilaq, tassami innaallagissamik atuinikillisaataassamat aammalu FN'p Nunarsuaq tamakkerlugu illoqarfiit inoqarfiillu piujuartitsinermik tunngaveqarnissaannik anguniakkamik 11-mi aammalu akisussaassuseqartumik atuneq tunisassiornerlu eqqarsaatigalugit anguniakkamik 12-mi anguniakkanut naapertuutissagaluarluni. (Siorarsiorfik pillugu Najoqqutassami imm 05 innersuussutigalugu)

Aningaasaqarnikkut sulisoqarnikkullu naliliinerit

Soqutiginnittumit pilersaarummut aningaasartuutit tamarmik akilerneqartussaammata Kommuneqarfik Sermersuumut aningaasartuutaassanngilaq.

Inatsisitigut tunngavissaq allakkallu tunngaviusumik uppersaatitalit

Pilersaarusiorneq aamma nunaminertat atorineqartarnerat pillugu Inatsisartut inatsisaanni nr. 17, 17 november 2010-meersoq & Inatsisartut inatsisaatigut nr. 34, 9. december 2015-imeersoq Kommunimut pilersaarut digitaliusoq www.sermersooq2028.gl

Ingerlariaqqinnissaq

Imatut ingerlariaqqittoqassaaq:

1. Suliniut politikikkut akuerineqarpat, soqutiginnittup pilersaarutip tusarniaassutigineqannginnerani uku pissarsiareqqaassavai:
 - Pilersaarutip piviusunngortinneqarnissaaneranut naliliinermik uppersaat aningaasaateqarfimmeersoq Sanarfinermut Avatangiisinullu Ingerlatsivimmit pilersaarutip suliarinissaanut najoqqutassamiittut tamaasa minnerpaamik naapertuuttumik naammassisinnaaniassammagit, najoqqutassamik suliaqarpoq pilersaarut ilanngullugu nassiunneqartussamik. Najoqqutassaq ilanngussaq 3-mi takuuk.
2. Pilersaarut pillugu tamanut tusarniaanerup nalaani paasissutissiilluni ataatsimiisitsisoqarumaarpoq.
3. Tamatuma kingorna akerliliissutaasimasinnaasut suliarineqassapput, inaarutaasumillu pilersaarut Sanarfinermut Avatangiisinullu Ataatsimiititamut, Aningaasaqarnermut Ataatsimiititamut kiisalu Kommunalbestyrelsimut inaarutaasumik akuerineqarnissaanut ingerlateqqinneqassaaq.
4. Kingornalu soqutiginnittumut nunaminertamut akuersissut ukiuni marlunni atuuttussaq tunniunneqassaaq, soqutiginnittorlu nammineq immikkoortumut sukumiisumik aalajangersagartalmik kommunimut pilersaarummut tapiliussassatut siunnersuusiussaaq.
5. Kommunimut pilersaarummut tapiliussap suliarineqarnera naammasseriarpat, sanaartorneq illuliornerlu aallartisarneqarsinnaanngussapput.

Aningaasaqarnermut Allatseqarfimmit oqaaseqaatit

Uani oqaaseqatigiinnik ikkussigit imaluunniit -

Innuttaasunik peqataatsineq/attaveqatigiinneq

Suliassaq akuersissutigineqassappat tusarniaassutigineqarlunilu, Sanarfinermut Avatangiisinullu Ingerlatsiviup suliassamik piginnittut peqatigalugit suliassaq pillugu tamanut ammasumik paasissutissiinertalimmik ataatsimiititsissapput.

Tamatuma saniatigut suliassatut siunnersuut Nuuk Ugeavis aammalu kommunip nittartagaa aqutigalugit nalunaarutigineqassaaq, kiisalu atortussat suliassamut tunngassuteqartut tamanit pissarsiarineqarsinnaassallutik.

Ingerlatsivinnit allanit oqaaseqaatit

Oqaaseqaateqartoqanngilaq.

Siornatigut aalajangerneq

Sanarfinermut Avatangiisinullu Ataatsimiititap 4. februaari 2019-imi aalajangernera:
Ataatsimiititap inassuteqaat akuersissutigaa

Aningaasaqarnermut Inuussutissarsiornermullu Ataatsimiititap aalajangenera 28. Februar 2019-meersoq:

Ataatsimiititap oqaluuserisassap suliarineqarnissaa kinguartippaa.

Aningaasaqarnermut Inuussutissarsiornermullu Ataatsimiititap 10. aprili 2019-imi aalajangiussaa:

- Ataatsimiititap inassuteqaat akuersissutigaa.

Ilanngussat

1. Ilanngussat ilanngullugit pilersaarummut qinnuteqaat
2. Inatsisartut inatsisaat nr. 34, 9. decembari 2015-imeersoq
3. Misissugassatut allattorsimaffik Sanarfinermut Avatangiisinullu Ingerlatsivimmit suliarineqartoq

Punkt 04G: Pilersaarusionermet periusissiaq P18

Beslutning

Inassutigineqartoq akuerineqarpoq.

Bilag

Bilag 1 KAL.pdf

Bilag 2 KAL.pdf

Planstrategi P18_Endelig KAL.pdf

Pilersaarusiornermut periusissiaq P18

Aalajangiiffigisassaq

J.nr.: 16.03-P15-1-18

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Pilersaarusiornermut inatsimmi § 34 naapertorlugu kommunalbestyrelsip kommunimut qinigaaffiup siulliup naannginnerani (imaappoq kingusinnerpaamik 2018/19-imi ukiup nikinnerani)

Pilersaarusiornermut periusissamik tamanut saqqummiussaqaassaaq. Periusissiami allaaserineqassaaq, siunissami kommunimut pilersaarusiornermi suut qitiutinneqassanersut.

Pilersaarusiornermut periusissiaq P18, makkuninnga imaqqarpoq:

- kommunimut pilersaarut kingullermik nutarterneqarmalli pilersaarusiornerep killiffia (kommunimut pilersaarutip digitaaliusup Sermersooq2028.gl marsi 2017-imi naammassineqarnera ilanngullugu)
- siunissami ineriartortitsinissamut apeqqutit pingaernerit allaaserineri
- periusissiami nutaami kingornagullu kommunimut pilersaarummi sammineqartussat nutaat pillugit innersuussut

Aggustip 27-iani 2018-imi immikkut sammisaqarnermi Kommunalbestyrelse pilersaarusiamut periusissiaq nutartigaq siulleq suliniutissat imaluunniit sammineqartussat pingaartillugit saqqummiussiffigineqarpoq. Tamatuma kingornagut **Pilersaarusiornermut periusissiaq P18** sullarineqassaaq, maanna sapaatip-akunnerini arfineq-pingasuni tusarniaassutigineqareersimalerpoq. Piffissami tusarniaaffiusumi tusarniaanermut akissutit marluk tiguneqarput, taakkulu oqaaseqatigiinnik annikitsunik allannguuteqartitsinermik kinguneqarput.

Suliaq Sanarfinermut Avatangiisinullu Ataatsimiititap 25. marsip 2019-imi ataatsimiinnerani oqaluuserineqarpoq, ataatsimiititallu inassuteqaatit akuersissutigai suliarlu inaarutaasumik akuersissutigisassanngorlugu Aningaasaqarnermut Inuussutissarsiornermullu Ataatsimiititamat kiisalu Kommunalbestyrelsimut ingerlateqqillugu.

Suliaq Aningaasaqarnermut Inuussutissarsiornermullu Ataatsimiititap 10. aprili 2019-imi ataatsimiinnerani oqaluuserineqarpoq, inassuteqaatigineqartoq ataatsimiititamat akuersissutigineqarpoq suliarlu Kommunalbestyrelsimut inaarutaasumik akuerisassanngorlugu ingerlateqqinneqarluni.

Inassuteqaatit

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Pilersaarusiornermut periusissiaq P18 Kommunalbestyrelsimut inaarutaasumik akuersissutigineqassasoq.

Suliassamik saqqummiussineq

Pilersaarusiornermut inatsimmi § 34 naapertorlugu kommunalbestyrelsip kommunimut qinigaaffiup siulliup naannginnerani Pilersaarusiornermut periusissamik tamanut saqqummiussaqaassaaq.

Periusissiami allaaserineqassaaq, siunissami kommunimut pilersaarusionermermi suut qitiutinneqassanersut.

Pilersaarusionermermut periusissiami allaaserineqassapput, pilersaarusionermermut periusissiap kingullermik nutarterneqarneraniilli susoqarsimanersoq aammalu ukiuni sisamani tulliuuttuni kommunalbestyrelse sunik sammisaqarniarnersoq, taannalu periarfissat makku pillugit aalajangiiffiussalluni:

1. kommunimut pilersaarut tamarmi iluarsaanneqassasoq,
2. kommunimut pilersaarummi sammisami ataatsimi amerlanerusuniluunniit iluarsaassisoqassasoq,
3. kommunip nunataani sumiiffiit ilaannut iluarsaassisoqassasoq,
4. kommunimut pilersaarut ukiuni sisamani atuuttussanngorlugu nutaamik akuerineqassasoq.

Aggustip 27-anni 2018-imi Kommunalbestyrelsip ataatsimiinnerani workschoppertoqarpoq, tassanilu ingerlatsiviup pilersaarusiap suliarinera saqqummiunneqarpoq, tassungalu atatillugu isumassarsianik aammalu Pilersaarusionermermut periusissiaq 18-imut suliniutissanik allannik saqqummiussisoqarluni. Ilaatigut tassani saqqummiunneqarput sanaartornermi piujuartitsineq qulakkeerniarlugu kommune periusissiamik siunnersuutigineqarpoq, Nuummi Aqqaluks Pladsimik ineriartortitsinissamik pilersaarut, Tasiilap eqqaata UNESCO-p nunarsuaq tamakkerlugu eriagisassatut allattorsimaffianut ilanngutitinnissaanut qinnuteqaatip ingerlanissaa aammalu kommunimi takornarialerinermermi ineriartortitsinissamat pilersaarut.

Aaqqiissutissatut siunnersuut – suliatiqut naliliineq

Ingerlatsiviup **Pilersaarusionermermut periusissiaq P18** atorlugu toqqarpaa ataatsimoortumik allaaserisaqarniarluni, ingerlatsivinni tamani ulluinnarni sulinermermi atugassatut tigussaasutut atorneqartussamik. Allatut oqaatigalugu allaaserisaq tassaassaaq, kommunip sumut ingerlaniarneranik pilertortumik nassaassaqarfusoq, taamaallunilu siunissami immikkoortunut pilersaarusionermermi tunngaviliisuusussalluni.

Kommunalbestyrelsimut suleqatigiinnissamik isumaqatigiissummi (Kommune illoqarfiit pingaarnersaqarfusoq siuarsartoq) kommunip iluani avammullu suleqatigiinneq, aammalu kommunip sulinera malinnaaffigiuminarlunilu innuttaasunit ataasiakkaanit pissarsiariuminartuunissaa pingaartinneqarpoq.

Kommunimut pilersaarummi digitaaliusumi Sermersooq2028.gl-imi Kommuneqarfik Sermersooq pitsaasumik pilersaarusionermermut sakkussaqarpoq, kommunip pingaarnertut ineriartornissaanut ikorfartuutaasumik. Taamaattumik Sanarfinermermut Avatangiisinullu Ingerlatsiviup ataatsimiititamat innersuussutigaa, sammineqartussat nutaat kommunimut pilersaarummi periusissiamut ineriartortitsinissamat ilanngunneqassasut aammalu *Nutarternissaanut aalajangernissami* allaaserineqartutuut kommunimut pilersaarummi suliniutigineqartussat ilaasa nutarterneri kisimik suliarineqassasut.

Sammineqartussat nutaat suliassaqarfinnut killilikkanut timitaliinerit ilaat pineqarput, kommune tamakkerlugu periusissatut pilersaarutit ilanngullugit. Arlaqartut ingerlatsiviit arlallit suleqatigiissinnerisigut suliarineqassapput, ilaallu Sanarfinermermut Avatangiisinullu Ingerlatsivimmi tunngaviligaallutik.

Aningaasatigut sulisoqarnikkullu naliliinerit

Pilersaarummut periusissiap suliarineqarnera ataavartumik pilersaarusiorderup ilagivaa, taamaattumillu Sanarfinermut Avatangiisinullu Ingerlatsiviup aningaasaqarneranut sulisoqarneranullu kalluissanani.

Inatsisitigut tunngavissaq allakkallu tunngaviusumik uppersaatitallit

Pilersaarusiorderneq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-imeersoq
Kommunimut pilersaarut digitaliusoq www.sermersooq2028.gl

Ingerlariaqqinnissaq

Oqaaseqaateqartoqanngilaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit allamik oqaaseqaatissaqartoqanngilaq

Innuttaasunik peqataatitsineq/attaveqaqatigiinneq

Nunaqarfinni Aqutsisut oktobarip aappaani ataatsimeeqatigineqarput.
Pilersaarusiordernermut periusissiaq siunnersuutitut kommunip nittartagaatigut tamanut saqqummiunneqareerpoq, kommunimilu illoqarfinni nunaqarfinnilu allagarsiivitsigut allagarsiunneqarluni, aamma kommunimi inuit attaveqaqatigiittarfiisigut saqqummiunneqareerluni.

Ingerlatsivinniit allaniit oqaaseqaatigineqartut

Ingerlatsiviit allat oqaaseqartinneqanngillat

Siusinnerusukkut aalajangerneq

Sanarfinermut Avatangiisinullu Ataatsimiititap 25. marsi 2019-imi aalajangernera:
Ataatsimiititap inassuteqaat akueraa.

Aningaasaqarnermut Inuussutissarsiornermullu Ataatsimiititap 10. aprili 2019-imi aalajangiussaa:

- Ataatsimiititap inassuteqaat akuersissutigaa.

Ilanngussat

1. Tusarniaanermut akissutinik suliaqarneq
2. Tusarniaanermit akissutit
3. Pilersaarusiordernermut periusissiaq P18

Punkt 04H: Qamuteralaat pillugit ileqqoreqqusaq

Beslutning

Inassutigineqartoq akuerineqarpoq.

Siumut oqaatigivaa, neriutugalugu malittarisassat malinneqassasut.

Bilag

Bilag 1_KAL.pdf

Bilag 2_KAL_DK.pdf

Bilag 3_KAL.pdf

Qamuteralaat pillugit ileqqoreqqusaq

Assartuutit motorinik ingerlatillit nunaannarmi aammalu illoqarfiit nunaqarfiillu killeqarfiini atornerqarneri

Aalajangiiiffigisassaq

J.nr.: 16.08-P25-1-17

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Qamuteralaat pillugit ileqqoreqqusassatut siunnersuut sapaatip-akunnerini 8-ni, 28.11.2018-imiit 23.01.2019-imut, tamanut tusarniaassutigineqarpoq. Tusarniaanermut akissutit qulit piffissaq eqqorlugu tunniunneqarput, taakkunanilu akerliliissutit oqaaseqatigiinnik iluarsiinermik taamaallaat kinguneqarsimapput. Paragraffi ataaseq erseqqissarneqarpoq, ilanngussallu tamanit paasineqarsinnaanngorlugit iluarsaanneqarlutik, naggasiullugu aatsitassarsiornissamut akuersissutit ilanngussani aamma takuneqarsinnaalerput.

Suliaq Sanarfinermut Avatangiisinullu Ataatsimiititap 25. marsi 2019 ataatsimiinnerani eqqartorneqarpoq oqaaseqaatigalugulu Tasiilami qamuteralattartut peqatigiiffiat peqataatinneqarnissaa kissaatigalugu, inassuteqaatigineqartorlu akuersissutigineqarluni, suliallu tamanut nalunaarutigineqarnissaanut Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut inaarutaasumik akuersissutigisassanngorlugu ingerlateqqillugu.

Suliaq Aningaasaqarnermut Inuussutissarsiornermullu Ataatsimiititap 10. aprilli 2019-imi ataatsimiinnerani oqaluserineqarpoq, inassuteqaatigineqartoq ataatsimiititamit akuersissutigineqarpoq suliarlu Kommunalbestyrelsimut inaarutaasumik akuerisassanngorlugu ingerlateqqinneqarluni.

Inassuteqaatit

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Qamuteralaat pillugit ileqqoreqqusaq, tamanut saqqummiunneqarnissaanut Kommunalbestyrelsimut inaarutaasumik akuersissutigineqassasoq.

Suliassamik saqqummiussineq

Kommunalbestyrelsip qamuteralaat pillugit ileqqoreqqusassatut siunnersuut ulloq 20. novembari 2018-imi ataatsimiinnermini akuersissutigaa. Siunnersuut sapaatip-akunnerini 8-ni, piffissami 28.11.2018-imiit 23.01.2019-imut, tamanut tusarniaassutigineqarpoq, tusarniaanermullu akissutit qulit piffissaq eqqorlugu tunniunneqarput, taakkunanilu akerliliissutit oqaaseqatigiinnik iluarsiinermik taamaallaat kinguneqarsimapput. Paragraffi ataaseq erseqqissarneqarpoq, ilanngussallu tamanit paasineqarsinnaanngorlugit iluarsaanneqarlutik, naggasiullugu aatsitassarsiornissamut akuersissutit ilanngussani aamma takuneqarsinnaalerput.

Ileqqoreqqusami nunaannarmi angallanneq pillugu tamanut aalajangersaasoqarpoq, assersuutigalugu angallassinnginnermi aput qanoq annertigissanersoq pillugu. Tamatuma

saniatigut ileqqoreqqusami illoqarfinni nunaqarfinnilu angallanneq pillugu aalajangersagaqarpoq. Ilanngussat nutarterneqarput, taamaasilluni sumi larvefodinik atuineq inerteqqutaannginnersoq erseqqissumik takussutissiarineqarluni.

Oqaluttuarisaaneq

Qamuteralaat pillugit ileqqoreqqusassatut siunnersuut siullesq piffissami 19.12.2016 – 06.02.2017 tamanut tusarniaassutigineqarpoq.

Piffissami tusarniaaffiusumi tamatumani ingerlatsivik ilaatigut nunataq annertoqq alla nutaaq angallaffioqquneqanngitsoq pillugu Pinngortitaleriffimmit tusarniaanermi akissuteqarfigineqarpoq. Nunataq pineqartoq ima angitigaaq, allaat siunnersuut pillugu nutaamik tusarniuteqartariaqalersimalluni.

Tusarniuteqarnerup ingerlanerani aamma Namminersorlutik Oqartussat inatsisileriffianit suliap ingerlanera pillugu allaaserisamik ingerlatsivik tigusaqarpoq, tassani nassuiarneqarluni kommunimi siunissami ileqqoreqqusanut tunngasunik periuserineqartalertussat. Taakku periuserisartagaat naapertorlugu nutaamik tusarniaasoqannginnerani naalakkersuisoqarfiit attuumassuteqartut tusarniaaffigineqaqqaartassapput.

Ingerlatsiviup siunnersuut tassunga naleqqussarlugu iluarsivaa Namminersorlutik Oqartussanullu naalakkersuisoqarfinnut susassaqtartunut tusarniaassutigalugu. Siunnersuummi iluarsineqartumi ingerlatsiviup imeqarfiup killeqarfiini atorineqanngitsuni aqqusiortoqarnissaa qinnuteqaatigaa.

Ingerlatsiviup qinnuteqaataa itigartinneqarpoq, imeqarfiup killeqarfiata (maannakkut atunngitsoq) atorunnaarsinneqarnissaanik Namminersorlutik Oqartussat maanna oqaloqatigileruttorpaa, imaluunniit aamma imeqarfiup killeqarfia aqqusaarlugu ingerlasoqarsinnaanerani ajornartitsinngitsumik Namminersorlutik Oqartussat nutaamik nalunaarusiorsinnaavoq. Tassunga assingusumik Sisimiut pillugu Namminersorlutik Oqartussat nalunaarusiornikuuvoq, tassanilu imeqarfiup killeqarfia aqqusaarlugu qamuteralannik angallanneq ajornartinneqanngilaq.

Suliat ingerlanneqarnera siviisummat ingerlatsivik nutaamik siunnersuusiorniarluni aalajangerpoq, nunaannarmi qamuteralannik angallannermut malittarisassanik najoqqutassanillu kommune amigaateqarmat. Naak imeqarfiup killeqarfii assigiinngitsut pillugit ajornartorsiuteqartoqartoq ilisimareeraluarlugu.

Aaqqiissutissatut siunnersuut – suliatigut naliliineq

Ingerlatsiviup nalilerpaa, Qamuteralaat pillugit ileqqoreqqusaaq sumiiffinni larvefodit atorlugit angallassiffiusinnaasuni malinnaaffigiiminartuusoq, kommunimilu ileqqoreqqusaaq pitsaasumik atorineqarsinnaassasoq.

Nunaannarmi nakkutilliineq kommunip pisussaaffigivaa. Ima ingerlassaaq, inerteqqutaasumik angallattoqarnera kommunimit paasineqarpat imaluunniit angallassissummik qimatsisoqarsimappat kommunimit nalunaarsorneqassapput, ileqqoreqqusamilu aalajangersarneqartut naapertorlugit iliuuseqassalluni.

Aningaasatigut sulisoqarnikkullu naliliinerit

Ileqqoreqqusamik suliaqarneq annertoorsuarmik aningaasanik sulisunillu atuiiffiusariaqarsimanngilaq.

Inatsisitigut tunngavissaaq allakkallu tunngaviusumik uppersaataitallit

Namminersorlutik Oqartussat nalunaarutaat nr. 10, 10. oktober 2013-imeersoq.

Ingerlariaqqinnissaq

Ingerlatsivik suleqatigiissitami suleqataavoq, tassani qanoq Namminersorlutik Oqartussat maanna Nuummi Kapisilinnilu imeqarfinnut killeqarfiit pioreersut naleqqussarneqarsinnaanersut imaluunniit killeqarfinni taakkunani nalunaarusiortoqarsinnaanersoq misissuisoqassaaq. Qamuterallattartoqatigiit Qamutit Nukissiorfiillu taamattaq suleqatigiissitamiipput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfiup inassuteqaat taperserpaa.

Innuttaasunik peqataatitsineq/attaveqaqatigiinneq

Siunnersuut tamanut nalunaarutitut saqqummiunneqassaaq kommunillu nittartagaani saqqummiunneqarluni. Tamatuma saniatigut ileqqoreqqusaq oqartussaqaarfinnut attuumassuteqartunut nassiunneqassaaq.

Ingerlatsivinniit allaniit oqaaseqaatigineqartut

Soqanngilaq.

Siusinnerusukkut aalajangerneq

Sanarfinermut Avatangiisinullu Ataatsimiititap aalajangernera 25. marsi 2019-imeersoq:
Inassuteqaat ataatsimiititami akuersissutigineqarpoq, oqaaseqaatigalugulu Tasiilami qamuterallattartut peqatigiiffiat peqataatinneqarnissaa kissaatigalugu.

Aningaasaqarnermut Inuussutissarsiornermullu Ataatsimiititap 10. aprili 2019-imi aalajangiussaa:
Ataatsimiititap inassuteqaat akuersissutigaa.

Ilanngussat

1. Akerliliissutinik suliaqarneq
2. Akerliliissutit
3. Ileqqoreqqusaq

Punkt 04I: Tasiilami utoqqaat illuata inissatigut allineqarnissaa

Beslutning

Inassutigineqartoq akuerineqarpoq.

Bilag

Bilag 1 - AnsÃgning om flere beboere pÃ B-183 (KAL)_27124.docx

Tasiilami utoqqaat illuata inissatigut allineqarnissaa

Aalajangiiffigisassaq

J.nr: 44.05-A00-1-19

Suliffeqarnermut Isumaginninnermullu Ingerlatsivik – Pisortaq Isak Nielsen Kleist / ISNK

Suliassamik eqikkaaneq

Februaarip 27-ani 2019 Sanaartornermut oqartussat Tasiilami utoqqaat illuani inissat 16-iniit 20-nut amerlineqarnissaannik piunasaqqaat akuersissutigaa. Piunasaqqaat pivoq, utoqqaat illuanni najugaqalerniarlutik qinnuteqartartut amerliartormata. Erseqqissumik oqaatigalugu maannakkut Tasiilami innuttaasut pingasut peqqissaavimmi oqilisaassiffigineqarlutik najugaqarnerat kommunip akilersorpaa. Taakkunanga innuttaasut marluk utoqqaat illuannut nuussinnaapput, inissatigut alliliisoqarpat.

Peqqinnissaqarfimmi oqilisaassivigitinnermut aningaasartuutit amerlasuujupput taakkulu ulloq unnuarluk akigititat naapertorlugit 8.400 kr.-nik amerlassuseqarput (akit inatsisitigut aalajangersarneqartut naapertorlugit). Inissatigut amerliliisoqarpat sulisut 1,8-nik ulloq naallugu sulisartussanik amerlineqarnissaat pisariaqassaaq. Ingerlatsiviup nalilerpaa, sulisut marluk ilinniarsimangitsut suliassanik naammaginnartumik kivitsisinnaassasut. Imaappoq, sulisunut aningaasartuutaanerulersussat ulloq unnuarluk 990 kr.-it missaaniissapput, ukiumut 360.000 kr.-it amerlaqataannik (sulisut marluk ilinniarsimangitsut SIK-mut isumaqatigiissutit naapertorlugit akissaasersorneqarnissaat tunngavigineqarpoq).

Inissatigut amerliliisoqarpat ingerlatsiviup peqqinnissaqarfimmut aningaasartuutaasartut sipaassavai, innuttaasut marluk oqilisaassiffigineqartut utoqqaat illuannut nuutinnerisigut. Taamaattumik Suliffeqarnermut Isumaginninnermullu Ingerlatsiviup siunnersuutigaa, Suliffeqarnermut Isumaginninnermullu Ataatsimiititap Tasiilami utoqqaat illuata inissatigut allineqarnissaa akuersissutigissagaa.

Suliaq Suliffeqarnermut Isumaginninnermullu Ataatsimiititap 19. marts 2019 oqaluserineqarpoq, tassanilu ataatsimiititap Suliaq akuerineqarpoq, suliarlu inaarutigalugu Aningaasaqarnermut Inuussutissaqarnermullu Ataatsimiititap Kommunalbestyrelsimullu akuerisassanngorlugu ingerlateqqillugu.

Suliaq Aningaasaqarnermut Inuussutissarsiornermullu Ataatsimiititap 10. aprili 2019 ataatsimiinnerani eqqartorneqarpoq, inassuteqaatigineqartorlu akuersissutigineqarluni, ima allanguuteqarluni: "*anigaasat Suliffeqarnermut Isumaginninnermullu Ingerlatsiviup immikkoortortaqarfiani nammineq nassaarineqassasut*" aamma Kommunalbestyrelsimut inaarutaasumik aalajangiiffigisassanngorlugu ingerlateqqinneqassasoq.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Tasiilami utoqqaat illuata inissatigut allineqarnissaa Kommunalbestyrelsimut inaarutaasumik akuersissutigineqassasoq.

Suliamik saqqummiussineq

Februaarip 27-ani 2019 Sanaartornermut oqartussat Tasiilami utoqqaat illuani inissat 16-iniit 20-nut amerlineqarnissaannik piunasaqaat akuersissutigaa. Suliffeqarnermut Isumaginninnermullu Ingerlatsiviup inissatigut alliliinissaq piunasaqaatigivaa, tassami 2018-imi apriliimili utoqqaat illuannut nuukkusullutik qinnuteqartartut amerliartulermata. Matumani pineqarput innuttaasut marluk, peqqinnissaqarfimmit angerlartussat, kisialli inissaqartinneqannginnerat pissutigalugu, peqqinnissaqarfimmi oqilisaaffissanut innersuunneqarsimasut.

(Innuttaasut pingajuat angerlartinneqareersoq Tasiilami peqqinnissaqarfimmi oqilisaassiffimmiippoq, kisianni paarisariaqangaarmat, allaat Tasiilami utoqqaat illuata sullissinnaanagu. Innuttaasup taassuma immikkut ittumik sullinneqarnissaanut aaqqiissuteqartoqarniarpoq).

Innuttaasunut marlunnut peqqinnissaqarfimmi oqilisaassivigitinnermut aningaasartuutit ulloq unnuarlu akigittat naapertolugit 2.400 kr.-nik aamma 6.000 kr.-nik amerlassuseqarput (akit inatsisitigut aalajangersarneqartut naapertolugit). Ulloq unnuarlu katillugit aningaasartuutaapput 8.400 kr.-it ukiumut aningaasartuutaalersinnaallutik 3.066.000 kr.-it.

Utoqqaat illuanni najugallit marlunnik ilappata taasa sulisut ilasariaqarput imaalillugit $2 \times 0,9 = 1,8$ ulloq naallugu atorfik. Ingerlatsiviup nalilerpaa, inissatigut allilerisoqarnerani sulisut marluk ilinniarsimanngitsut suliassanik naammaginartumik kivitsinnaassasut. Imaappoq, ullormut sulisunut aningaasartuutaanerulissapput 990 kr. -it, ukiumullu aningaasartuutaasassallutik 360.000 kr.-it amerlaqataat (SIK naapertolugu isumaqatigiissutit malillugit qaammammusiallit qanoq sivistigisumik sulisimanagerat apeqqutaasarpoq, tamatumalu kingornagut kisitsit missiliuutaasarpoq).

Sulisunut aningaasartuutaanerulersussat ikinneerarsuupput, peqqinnissaqarfimmi oqilisaassisarfirmut aningaasartuutitut sanilliullugit. Peqatigitillugu Tasiilami suliffissanik pilersitsisoqassaaq.

Aaqqiissutissatut siunnersuut – suliatigut naliliineq

Ingerlatsiviup nalilerpaa, Tasiilami inissatigut alliliinissaq pissusissamisoorluinnartuusoq. Tasiilami utoqqaat illuat isumannaallisaanikkut suliatigullu tunngasut eqqarsaatigalugit inissatigut alliliisoqarneratigut utoqqarnik sullissinnermi suliassat isumagineqarsinnaapput. Innuttaasut marluk peqqinnissaqarfimmit oqilisaassisarfirmmit utoqqaat illuannut nuutinnerini sipaarutissat ima amerlatigaat, allaat sapinngisamik piaartumik tamanna pisariaqarluni.

Aningaasatigut sulisoqarnikkullu naliliinerit

Utoqqaat illuanni najugallit marlunnik ilappata tassa sulisut ilasariaqarput imaalillugit $2 \times 0,9 = 1,8$ ulloq naallugu atorfik. Imaappoq, ullormut sulisunut aningaasartuutaanerulissapput 990 kr. -it, ukiumullu aningaasartuutaasassallutik 360.000 kr.-it amerlaqataat. Matumani tunngavigneqarpoq, ilinniarsimanngitsunik marlunnik SIK malillugu aningaasarsiaqartinneqartussanik atorfinitsitsisoqarnissaa. Sulisunik aningaasarsiaqartitsineq kontunit ukunannga akilerneqartassaaq: 402070202 – 0503010000 – 122010200 – 010480. 2019-imi sulisunut aningaasartuutit amerlineri ilassutitut aningaasaliissutinit akilerneqassapput.

Peqqinnissaqarfimmi oqilisaassiffigitinnermut aningaasartuutit amerlasuujupput ulloq unnuarlu 8.400 kr.-iugamik ukiumut 3.066.000 kr.-it amerlaqataat.

Inatsisitigut tunngavissaq allakkallu tunngaviusumik uppernarsaatitallit

Sanaartornermut oqartussaasut akuersissutaat (ilannugussaq 1)

SIK-mik isumaqatigiissut: sulisut ilinniarsimasut ilinniarsimanngitsullu 322-it

Peqqinnissaqarfiup sullissineranut akiliutaasartut pillugit Kaajallaasitaq nr 17 (novembari 2017-imi nutartigaq)

Ingerlariaqqinnissaq

Siunnersuut akuersissutigineqassappat Suliffeqarnermut Isumaginninnermullu Ingerlatsiviup innuttaasut marluk peqqinnissaqarfimmi oqilisaassiffimmiitinneqartut Tasiilami utoqqaat illuannut nuutinneqarnissaat sapinngisamik piaartumik isumagissavaa.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqarsimanngilaq.

Innuttaasunik peqataatitsineq/Attaveqaqatigiinneq

Soqanngilaq

Ingerlatsivinniit allaniit oqaaseqaatigineqartut

Soqanngilaq

Siornatigut aalajangerneq

Suliffeqarnermut Isumaginninnermullu Ataatsimiititap aalajangernera 19. marts 2019-meersoq:
Ataatsimiititap inassuteqaat akuersissutigaa.

Ataatsimiititamit inassuteqaatigineqartoq akuersissutigineqarpoq ima allannguuteqarluni:

"aningaasat Suliffeqarnermut Isumaginninnermullu Ingerlatsiviup immikkoortortaqarfiani nammineq nassaarineqassasut"

Ilanngussat

1. B-183-imi amerlanerusunik najugaqartoqalernissaanik qinnuteqaat

Punkt 04J: Qinngutsinni inuusuttunut sunngiffimmi klubbeqalernissaq pillugu siunnersuut

Beslutning

Uju Petersen (IA) aamma Randi V Evaldsen (D) iniminnik paarlaapput, siunnersuutip oqallisigineqarnerani.

Inassuteqaat itigartinneqarpoq Kommunalbestyrelsillu suliaq Meqqanut Atuarfeqarnermullu Ataatsimiititamut ingerlateqqillugu.

Qinngutsinni inuusuttunut sunngiffimmi klubbeqalernissaq pillugu siunnersuut

Kommunalbestyrelsimut ilaasortap Randi Vestergaard Evaldsenip (D) Kommunalbestyrelsimut siunnersuutaa

Aalajangiiffigisassaq

J.nr.: 01.01.07

Suliffeqarfimmi Kiffartuussivik - Kommunaldirektøri Lars Møller-Sørensen / LMS

Suliassamik eqikkaaneq

Kommunalbestyrelsimut ilaasortaq Randi Vestergaard Evaldsen (D) marsip 14-iniani 2019-imi Kommunalbestyrelsimut aalajangiiffigisassatut siunnersuuteqarpoq. Randi Vestergaard Evaldsenip Kommunalbestyrelsip Qinngutsinni inuusuttunut fritidsklubbeqalernissaanut periarfissaqarnerisooq eqqartussagaa kissaatigivaa

Inassuteqaat

Suliffeqarfimmut Kiffartuussiviup Kommunalbestyrelsimut inassuteqaatigivaa:

- Siunnersuut itigartinneqassasoq

Suliassamik saqqummiussineq

Kommunalbestyrelsimut ilaasortaq Randi Vestergaard Evaldsen (D) marsip 14-iniani 2019-imi Kommunalbestyrelsimut aalajangiiffigisassatut siunnersuuteqarpoq. Randi Vestergaard Evaldsenip Kommunalbestyrelsip Qinngutsinni inuusuttunut sunngiffimmi klubbeqalernissaanut periarfissaqarnerisooq eqqartussagaa kissaatigivaa

Siunnersuummut tunngavilersuut:

"Ullumikkut Nuummi illoqarfiup immikkoortui pingasuuapt, illoqarfik, Nuussuaq kiisalu Qinngorput. Qinngutsinniit Nuup illoqarfiata qeqqanut inuusuttut naapittarfiannut ungasippoq, taamatullu aamma Nussuarmut inuusuttut klubbinnut ungasilluni. Taamaattumik Qinngutsinni inuusuttunut klubbimik assigisaannilluunniit pisariaqartitsisoqartoq takusinnaavara. Immikkoortumi meeqqat inuusuttullu ilami oqartoqartalerpoq atuarfimmuut iserniartalersimasut aserorteriartalersimallutik, annilaangassutigivaralu illoqarfiup ilaata alliarturnera ilutigalugu inuusuttut susassaaleqisut amerliartornerat malillugu tamanna annertusiartornissaa. Uani multiklubbi eqqarsaatigivara, kikkunnut tamanut inissaqartitsisoq. Arlaannik susassaqartitsinermut inissaqartitsissaaq, aasami ukiumilu, inuusuttunullu inissaqartitsilluni. Inuttaasut arlallit attaveqarfivakka, annertusiartuinnartumik meeqqaminnut kissaateqartut, nalunngilaralu aamma Najukkami ataatsimiititaq aamma taamatut eqqarsaateqartoq. Meeqqat inuusuttullu susassaqartinneqarnissaat pingaaruteqartuuvoq, meeqqat inuusuttullu peqqinnartunik sammisassaqartinneqarnissaat. Naalagaaffiit peqatigiit meeqqat piginnaatitaaffii pillugit isumaqatigiissutaat, Kalaallit Nunaanni 1993-imi atuutsinneqalersooq, malillugu taanna malittussaataaavarput tamakkulu piviusunngortillugit. Uagut kommunitut akisussaaffeqarpugut. Artikel-it arlallit maani ilaapput. Immikkut qitiutinniagara tassaavoq artikel 31, taanna sunngiffeqarsinnaanermik, eqqissisimaarsinnaanermik aamma pinnguarsinnaanermik pisinnaatitaaffimmut tunngasuuvooq. Tassani malitassaqarpugut, qujanartumillu inuusuttunut Nuummi Nuussuarmilu susassaqartitsivugut, massakkullu aamma Qinngutsinni meeqqat inuusuttullu iliuuseqarfigineqarnissaat piffissanngorpoq.

Siunnersuut qanoq aningaasaliiffigineqassava?

"Inuusuttunut klubbimik sanaartorneq(pilersitsineq 2020-mut missingersuutini sallinngortinneqassaaq taassumalu ingerlanneqarnissaa tassani aammalu ukiuni tulliuuttuni missingersuusiorfiusunut ilanngunneqarluni."

Inatsisitigut tunngavissaq allakkallu tunngaviusumik uppermarsaatitalit

Kommunit aqunneqarnerat pillugu Inatsisartut inatsisaat nr 22, 18, novembari 2010-meersoq § 13 Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput.

Suliffeqarfimmi kifpartuussiviup inassuteqaammut pissutaa

Siunnersuut itigartinneqarnissaa siunnersuutigineqarpoq, pissutaalluni siunnersuummut 2019-mi aningaasaliissuteqartoqarsimanngimmat. Taamaammat siunnersuutigineqarpoq ukiaaru aningaasanik missingersuinermi siunnersuut qaqeqqinneqassasoq. Pisorta qarfiup siunissamut pilersaarutaanneereerpoq Qinnorpumi sunngiffimmi klubbimik pilersitsinissaq inuusuttunut.

Ingerlariaqqinnissaq

Apeqqutaalluni qanoq aaliangiisoqarsimanersoq siunnersuut qinikkat allatseqarfianiik isumagineqassaaq.

Ilanngussaq

Soqanngilaq.

Punkt 04K: Innarluutillip ukiui apeqqutaatinnagit innarluutilinnut ingerlatsivik ataatsimoortilernissaa siunertaralugu misissuinissaq pillugu aalajangiiffigisassatut siunnersuut

Beslutning

Inassuteqaat itigartinneqarpoq Kommunalbestyrelsillu suliaq Ataatsimiititanut susassaqtunut pingasunut ingerlateqqillugu: Meeqqanut Atuarfeqarnermullu, Suliffeqarnermut Isumaginninnermullu kiisalu Meeqqanut Ilaqtariinnullu.

Innarluutillip ukiui apeqqutaatinnagit innarluutilinnut ingerlatsivik ataatsimoortilernissaa siunertaralugu misissuinissaq pillugu aalajangiiffigisassatut siunnersuut

Kommunalbestyrelsimut ilaasortap Charlotte Ludvigsenip (IA) Kommunalbestyrelsimut siunnersuutaa

Aalajangiiffigisassaq

J.nr.: 01.01.07

Suliffeqarfimmut Kiffartuussivik - kommunaldirektøri Lars Møller-Sørensen /LMS

Suliassamik eqikkaaneq

Kommunalbestyrelsimut ilaasortaq Charlotte Ludvigsen (IA) apriliip 16-anni 2019

Kommunalbestyrelsimut aalajangiiffigisassatut innarluutillip ukiui apeqqutaatinnagit innarluutilinnut ingerlatsivik ataatsimoortilernissaa siunertaralugu misissuinissaq pillugu siunnersuuteqarpoq.

Inassuteqaat

Suliffeqarfimmut Kiffartuussiviup Kommunalbestyrelsimut inassuteqaatigaa:

- Siunnersuut itigartinneqassasoq.

Suliassamik saqqummiussineq

Kommunalbestyrelsimut ilaasortaq Charlotte Ludvigsen (IA) apriliip 16-anni 2019

Kommunalbestyrelsimut aalajangiiffigisassatut innarluutillip ukiui apeqqutaatinnagit innarluutilinnut ingerlatsivik ataatsimoortilernissaa siunertaralugu misissuinissaq pillugu siunnersuuteqarpoq.

Siunnersuuteqarnermut tunngavilersuut:

“Ullumikkut innarluutilinnut sullissisut ingerlatsivinnut pingasunut agguataarneqarput tassa Meeqqeriveqarnermut Atuarfeqarnermullu, Meeqqanut ilaqutariinnullu aammalu Isumaginninnermut suliffeqarnermullu ingerlatsivik, taamaasilluni innarluutillip sumi inissisimanera apeqqutaalluni sullinneqartarneq ingerlasarpoq. Tamanna innarluutilinnut isumasioqatigiisitsinermi ukiaq Sisimiuni pisumi oqariartuutigineqarpoq Kommuneqarfitsinni assigiinngitsunik inissisimanerat apeqqutaalluni ilaanni kiffartuussineq aporfeqartartoq aammalu inuusuttuaraanermiit inersimasunngornermi suliaq allamut ingerlatsivimmut inissinneqartarnerata kingunerisinnaasarpaat malititseqqanngitsoortarneq. Innuttaasut angajoqqaajusut, ilaqutaasut immaqaluunniit innarluutilinnut ataasiinnarmik saaffiginnitarfimmik isaaveqalernissaat siunertaralugu missorneqarnissaa maanna siunnersuutigaara uku aallaavigalugit: Ataatsimuulertinnissaanut periarfissat saaffik ataasiinnanngortillugu (one door princip) Eqqummaariffigisassat ajoqutai ajunngequtaalu. Piviusunngortinnissaanut ukiut qassit naatsorsuutigineqassava aammalu aningaasatigut ingerlatsinermi nalilersorneqassooq”.

Siunertaq:

“Innarluutilik qitiutillugu pitsaanagerusumik sullinneqarnissaa angorusullugu ukiui apeqqutaatinnagit innarluutilinnut sullissivik ataatsimuulertinneqartinnissaa misissorneqassasoq siunnersuutigaara.

Misissuinissap siunertarivaa siunissami innarluutilit ukiui apeqqutaatinnagit sullinneqartarnissaq, meeraaneraniit utoqqalinissaanut assigiimmik malitseqartumik ataqatigiissumillu sullinneqarsinnaanissaq toqqissisimanartuussammat.

Aammalu innarluutillit iluani ilisimasat sulisullu immikkut innarluutilerinerup iluani piginnaanillit ataatsimoortinneqalernissaat, taamaasilluni innarluutilinnik sullissineq eqaannerusoq aammalu ataqatigiinnerusoq pilersikkumallugu siunissami”.

Inatsisitigut tunngavissaq allakkallu tunngaviusumik uppermarsaatitalit

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq § 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussisinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat sukkulluunniit malinneqartussaataasut pillugit kommunalbestyrelsimut nalunaaruteqassapput.

Suliffeqarfimmi kifpartuussiviup inassuteqaammut pissutaa

Siunnersuut itigartinneqarnissaa siunnersuutigineqarpoq, pissutaalluni pisorta qarfiup massakkut piffissaasorinnginnamikku suleriaaseq allangortinneqarnissaa. Meeqqanut ilaqutariinnullu ingerlatsivik sulil nutaajuvoq, sulilu suleriaatsit ineriartortinneqarlutik porsarneqarlutillu. Pisorta qarfimmi ineriartornissaq imaraa ingerlatsitsiviit suleqartigiinnerunissaat akimut isigalutik suliaq nakkutigineqarluni ataatsimut. Tamanna pillugu pitsaanerpaajuaannangilaq allangortiterinissaq. Taamaamat neriututigineqarpoq siunnersuut akuerineqassanngitsoq.

Ingerlariaqqinnissaq

Apeqqutaalluni qanoq aaliangiisoqarsimanersoq siunnersuut qinikkat allatseqarfianiik isumagineqassaaq.

Ilanngussat

Soqanngilaq

Punkt 04L: Aasaanerani qamutininik issiaarfissanik pilersitsinissaq pillugu aalajangiiffigisassatut siunnersuut

Beslutning

Inassuteqaat akuerineqarpoq siunnersuullu najukkami ataatsimiititaliamut ingerlateqqinneqarpoq.

Aasaanerani qamutinin issiaarfissanik pilersitsinissaq pillugu aalajangiiffigisassatut siunnersuut.

Kommunalbestyrelsimut ilaasortap Rolf Pikep (S) Kommunalbestyrelsimut siunnersuutaa

Aalajangiiffigisassaq

J.nr.: 01.01.07

Suliffeqarfimmut Kiffartuussivik - kommunaldirektøri Lars Møller-Sørensen /LMS

Suliassamik eqikkaaneq

Kommunalbestyrelsimut ilaasortaq Rolf Pike (S) Apriilip 16-anni 2019 Kommunalbestyrelsimut aalajangiiffigisassatut aasaanerani qamutinin issiaarfissanik pilersitsinissaq pillugu siunnersuuteqarpoq.

Inassuteqaat

Suliffeqarfimmut Kiffartuussiviup Kommunalbestyrelsimut inassuteqaatigaa:

- Siunnersuut itigartinneqassasoq

Suliassamik saqqummiussineq

Kommunalbestyrelsimut ilaasortaq Rolf Pike (S) Apriilip 16-anni 2019 Kommunalbestyrelsimut aalajangiiffigisassatut aasakkut qamutinin issiaarfissanik pilersitsinissaq pillugu siunnersuuteqarpoq

Siunnersuuteqarnermut tunngavilersuut:

“Upernaleqaaraasiit qaammatit pingasuujunnaarput aasarpalaalersissatsinnut. Siunnersuutiga unaavoq, upernaap ingerlanerani Majoriami ilinniartut iluaqutigalugit qamutiliortissinnaannaannut immaqa qulit inunnit sisamanit issiaffigineqarsinnaasut, una takorloorpara aasami aliannaarsaartarinni issiaveqqarnissaq taavalu taakku naammassippata aasaru isikkivigissumi ikkussorneqarsinnaanngorlugit isiaffittut maannattumik atorneqarsinnaanngorlugit. Ukiulerneranilu piiarneqaqqissinnaasunik aaqqissuussisoqarnissaa siunnersuutigaara”.

Siunertaq:

“Kommunalbestyrelsemut oqaluuserisassatut. Taamatullu ataatsimiissitamut susassaqartumut ingerlaqqinnissaa kissaatigaara”.

Inatsisitigut tunngavissaq allakkallu tunngaviusumik uppernarsaatitalit

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq § 13. Kommunalbestyrelsimi ilaasortap kialuunniit kommunip susassaqarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinin saqqummiussinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat sukkulluunniit malinneqartussaataasut pillugit kommunalbestyrelsimut nalunaaruteqassapput.

Ingerlariaqqinnissaq

Apeqqutaalluni qanoq aaliangiisoqarsimanersoq siunersuut qinikkat allatseqarfianiik isumagineqassaaq.

Ilanngussat

Soqanngilaq

Punkt 04M: Ittoqqortoormiini katersortarfimmik nutaamik pilersitsinissaq pillugu aalajangiiffigisassatut siunnersuut

Beslutning

Inassuteqaat akuersissutigineqarpoq, imatut allannguutitalerlugu:

Siunnersuut Sanarfinermut Avatangiisinullu Ataatsimiititamut ingerlateqqinneqarpoq.

Atortussat pigineqareersut atoqqinneqarsinnaaneri misissorneqassapput kiisalu Ittoqqortoormiini oqaluffissap sananeqarnissaanut pilersaarutit sumut killinnersut paasiniaavigineqassaaq.

Ittoqqortoormiini katersortarfimmik nutaamik pilersitsinissaq pillugu aalajangiiffigisassatut siunnersuut.

Kommunalbestyrelsimut ilaasortap Rolf Pike (S) Kommunalbestyrelsimut siunnersuutaa

Aalajangiiffigisassaq

J.nr.: 01.01.07

Suliffeqarfimmum Kiffartuussivik - kommunaldirektøri Lars Møller-Sørensen /LMS

Suliassamik eqikkaaneq

Kommunalbestyrelsimut ilaasortap Rolf Pike (S) apriliip 16-anni 2019 Kommunalbestyrelsimut aalajangiiffigisassatut Ittoqqortoormiini katersortarfimmik nutaamik pilersitsinissaq pillugu siunnersuuteqarpoq.

Inassuteqaat

Suliffeqarfimmum Kiffartuussiviup Kommunalbestyrelsimut inassuteqaatigaa:

- Siunnersuut itigartinneqassasoq

Suliassamik saqqummiussineq

Kommunalbestyrelsimut ilaasortap Rolf Pike (S) apriliip 16-anni 2019 Kommunalbestyrelsimut aalajangiiffigisassatut Ittoqqortoormiini katersortarfimmik nutaamik pilersitsinissaq pillugu siunnersuuteqarpoq.

Siunnersuuteqarnermut tunngavilersuut:

“Maani Ittoqqortoormiuni ulluinnarni Katersortarfik amigaatigaarput, massakkut katersortarfipput assut assigiingitsunik atornerarpoq, ukuupput: errorsisarfittut, uffartarfittut, oqaluffittut/naalagiarfik, ilisinikkut, naalagiarnikkut, taavalu innutaasut atortarpaat qaaqqsiffittut.

Innuttaasut amigaatigaarput illoqarfitta qeqqani katsersortarfittaarnissarput. Najukkami ataatsimiitsitaliap Ittoqqortoormiini illoqarfiup qeqqani kissaatigaa katersortarfittaarnissarput, meeqqaniit inuusuttunut inersimasunullu tamatta katersuuffigisinnaasatinnik ullutinnullu tulluatumik katersortarfeeqarnissaa kissaatigalugu.

Massakkut katersortarfipput innutaasut nuannarinngilaat illoqarfitta qeqqaniinngimmat, aamma tulluutinngilluinnarpoq naalagiarfittut atoqarnera. Assut kissaatigaarput illoqarfitta qeqqani katersortarfittaarnissarput kikkunnut tamanut atornissaa meeqqaniit utoqqarnut aamma assut orniginartissavaat katersortarfiusimasup inississimaffikua atoqqinneqarsinnaasutut nutaamik katersortarfissap inississimaffigissappagu illoqarfitta qeqqani.

Oqaluuserisassanngortitsisoq.: Kommunalbestyrelsimi ilaasortap Rolf Pike (Siumut)”.

Siunertaq:

”Takorluugaq unaavoq ullutsinni illoqarfiit nunaqarfiit allat assigalugit maani aamma katersortarfeeqarnissaq. Igaffeerallimmik arlaannut katersuusitinermi atorluarneqarsinnaasumik, ajornanngippat ineeqqamik sungiusarfiusinnaasumik nipilersornermillu aallussiffiusinnaasumik peqarnissaa kissaatitta ilagaat.

Katersortarfik orniginartoq isaarialik innarluutilinnut iserfigiuminartoq. Inunnut 90-120 missaani isersimaffiqarsinnaasoq.

KISSAATIGAARA KOMMUNALBESTYRELSE TAMARMIULLUTIK AKUERSISSUTIGISSAGAAT, taamatullu ataatsimiitsitaliamut susassaqartumut misissorneqarnissaa kissaatigaara”.

Inatsisitigut tunngavissaq allakkallu tunngaviusumik uppemarsaatitaliit

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq § 13. Kommunalbestyrelsimi ilaasortap kialuunniit kommunip susassaqarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit

aalajangiinissanut siunnersuutinik saqqummiussisinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat sukkulluunniit malinneqartussaataasut pillugit kommunalbestyrelsimut nalunaaruteqassapput.

Ingerlariaqqinnissaq

Apeqqutaalluni qanoq aaliangiisoqarsimanersoq siunersuut qinikkat allatseqarfianiik isumagineqassaaq.

Ilanngussat

Soqanngilaq

Punkt 04N: Siunnersuut, Kommunalbestyrelse Aalisarnermut, Piniarnermut Nunalerinermullu Naalakkersuisumut saaffiginnissuteqassasoq, kissaatigalugu piniarnermut nakkutilliisoqartitsisoqalernissaa aamma aalisarnermik nakkutilliisoqartitsisoqalernissaa kingusinnerpaamik januaarip ulluisa siulliat 2020-mi pissasoq

Beslutning

Kommunalbestyrelsip siunnersuut taperserpaa, suliarlu Aningaasaqarnermut Inuussutissaqarnermullu Ataatsimiiititap suliareqqitassanngorlugu ingerlateqqinneqarpoq.

Siunnersuut, Kommunalbestyrelse Aalisarnermut, Piniarnermut Nunalerinermullu Naalackersuisumut saaffiginnissuteqassasoq, kissaatigalugu piniarnermut nakkutilliisoqartitsisoqalernissaa aamma aalisarnermik nakkutilliisoqartitsisoqalernissaa kingusinnerpaamik januaarip ulluisa siulliat 2020-mi pissasoq, aamma Tasiilaq nunaqarfiilu ilanngullugit.

Kommunalbestyrelsimut ilaasortap Asii Chemnitz Narupip (IA) Kommunalbestyrelsimut siunnersuutaa

Aalajangiiffigisassaq

J.nr.: 01.01.07

Suliffeqarfimmud Kiffartuussivik - kommunaldirektøri Lars Møller-Sørensen / LMS

Suliap eqikkarnera:

Kommunalbestyrelsimut ilaasortaq Asii Chemnitz Narup (IA) 2019-imi Apriilip ulluisa 10-anni aalajangiiffigisassatut siunnersuummik Kommunalbestyrelsimut siunnersuuteqarpoq. Asii Chemnitz Narup (IA) kissaateqarpoq, Kommunalbestyrelse Aalisarnermut, Piniarnermut Nunalerinermullu Naalackersuisumut saaffiginnissuteqassasoq, kissaatigalugu piniarnermut nakkutilliisoqartitsisoqalernissaa aamma aalisarnermik nakkutilliisoqartitsisoqalernissaa kingusinnerpaamik januaarip ulluisa siulliat 2020-mi pissasoq, aamma Tasiilaq nunaqarfiilu ilanngullugit.

Inassuteqaat

Suliffeqarfimmud Kiffartuussiviup Kommunalbestyrelsimut inassuteqaatigaa:

- Asii Chemnitz Narupip siunnersuutaa Kommunalbestyrelsimi oqaluuserineqassasoq taamatullu suliap ingerlaqqinnissaa aalajangiiffigineqassasoq

Suliassamik eqikkaaneq

Kommunalbestyrelsimut ilaasortaq Asii Chemnitz Narup (IA) 2019-imi Apriilip ulluisa 10-anni aalajangiiffigisassatut siunnersuummik Kommunalbestyrelsimut siunnersuuteqarpoq. Asii Chemnitz Narup (IA) kissaateqarpoq, Kommunalbestyrelse Aalisarnermut, Piniarnermut Nunalerinermullu Naalackersuisumut saaffiginnissuteqassasoq, kissaatigalugu piniarnermut nakkutilliisoqartitsisoqalernissaa aamma aalisarnermik nakkutilliisoqartitsisoqalernissaa kingusinnerpaamik januaarip ulluisa siulliat 2020-mi pissasoq, aamma Tasiilaq nunaqarfiilu ilanngullugit.

Siunnersuummut tunngavilersuut:

"Inuussutissarsiornermik ineriartortitsineq kommunimi politikikkut sulinitsinni pingaarutilittut qitiutitaraarput. Isumalluutit uumassusillit pingaartitarinerat suli annerulersinniarpaat, taamaalillutillu aamma piniarneq aalisarnerlu taakkualu inuussutissarsiornermut periarfissat nassataat pingaartillugit qitiutitsinerput attatiinnassagipput.

Tasiilap eqqaanilu aalisarnermi periarfissat qulakkeerniarlugit ukiuni kingullerni marlunni erseqqissunik sukumiisunillu alloriarfeqarpugut. Kommune – Sermersuumi Inuussutissarsiornermut Siunnersuisoqatigiit aqqutigalugit - pingaartumik piginnaasatigut ineriartortitsinikkut siunnersuinikkullu ikorfartuivoq.

Anguniagalimmik suliniuteqarnerup kinguneraa aalisarnermi annertuumik siuariarneq aamma alisarnermik soqutiginninneq annertusivoq. Suliap tamatuma ingerlatiinnarnissaa pingaaruteqarpoq.

Piniarneq aamma uumasunik pisassiisarneq aallaavigalugu ingerlavoq, assersuutigalugu nannunniartarneq qilalugarniartarnerlu. Taakkuninnga piniartarneq aamma nakkutigineqartariaqarpoq”.

Siunertaa:

”Pingaaruteqarpoq qulakkiissallugu, uumassusilinnik isumalluuteqarneq nungusaataaqnnginnissaa aamma piniarnermik aalisarnermillu ingerlatsinermi inatsisit piumasaqaatillu eqqortinneqarnissaat. Aalisarnerup annertusiartornera ilutigalugu Nunatsinni piniarnermik nakkutilliisoqartitsinissaq/aalisarnermik nakkutilliisoqartitsinissaq pisariaqarnerulissaaq. Piniarnermi aamma aalisarnermik nakkutilliisoqartitsineq aaqqiissuussaassaq, taamaalilluni nuna tamakkerlugu nakkutilliisoqarsinnaassalluni aamma ingerlatsiveqarfimmut aalajangersimasuinnarmut atassuserneqartinnagit. Taamaamat pissusissamisuuinnaassaaq, Kommunalbestyrelse Aalisarnermut, Piniarnermut Nunalerinermullu Naalakkersuisumut saaffiginnissuteqassappat, tassuuna qulakkeerniarlugu Tasiilaq eqqaalu ilanngullugit aaqqiivigineqartussanngorlugit, Aningaasanut inatsit 201 hovedkonto 51.01.05 innersuussutigalugu.

Matumuuna kissaatigineqartoq Sermersuumi nunaqarfinni aqutsisunik isumasioqatigiissitsinerni arlalinni aamma inuussutissiornerneq pillugu isumasioqatigiinnerni saqqummiunneqartareersoq, taamaamat neriutigaara siunnersuutip siuarsarneqarnissaa Kommunalbestyrelsimit taparserneqarumaartoq.”

Inatsisitigut tunngavissaq allakkallu tunngaviusumik uppersaatitallit

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq § 13 Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangerinnaanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput.

Ingerlariaqqinnissaq

Apeqqutaalluni qanoq aaliangiisoqarsimanersoq siunersuut qinikkat allatseqarfianiik isumagineqassaaq.

Ilanngussat

Soqanngilaq

Punkt 5: Taasariaqartut allat

Beslutning

Soqanngilaq.

Punkt 6: Suliat matoqqasut

Punkt 06A: Lukket

Punkt 7: Imaqarniliap akuerineqarnera

Beslutning

Imaqarniliaq akuersissutigineqarpoq nal. 18.09.